

四庫全書

集部

欽定四庫全書

集部
四六標準卷二十八

詳校官庶吉士臣何道沖

主事臣呂雲棟覆勘

總校官進士臣繆琪

校對官助教臣羅萬選

謄錄監生臣郭坦

欽定四庫全書

四六標準卷二十八

宋 李劉 撰

太守下

代回翟峽州

岐○峽州秦漢為南郡魏武置臨江郡蜀改宜都郡吳曰西陵宋齊竝為

宜都郡梁置宜州西魏改為托州後周以地扼三峽之險改托為硤隋改夷陵郡唐改峽州始從山宋因之范石湖吳船錄云古語曰荊門虎牙楚之西塞夷陵即其地自古以為重鎮三國時又為吳之西陵陸遜以為夷陵要害國之關限今吳蜀共道此地但為蕞爾荒蠻耳陸務觀入蜀記云峽州在唐為硤州後改峽而印文則為陝州元豐中郎官何洵直建言陝與陝相亂請改鑄印文從山事

下少府監而監丞歐陽發言湖北之陝州從阜從夾陝西之陝州從阜從夾邊旁不同本不相亂恐四方謂少府監官皆不識字今按陝州之陝從夾夾音閃從二入湖北之陝從夾夾訖洽切從二人左右持也陝亦作峽○詳啓意蓋代月湖下同

象刑贊治自媿罔功

尚書象以典刑又方施象刑惟明尚書大傳唐虞象刑犯墨者蒙帛

巾犯劓者赭其衣犯贖者幪其贖犯大辟者衣無領晉刑法志犯黥者阜其巾犯劓者丹其服犯贖者墨其體犯宮者雜其屨大辟之罪殊死之極布其衣裾而無緣領王莽太傅唐尊出見男女不異路下車以象刑赭濡汚其衣

雉正共工猥令攝長

杜氏通典五雉為五工正雉有五種西方曰蹲雉東方曰

鵬雉南方曰翟雉北方曰鵠雉伊洛之南曰翬雉

愧未申於吳謝遽先辱於謙

為

易无不
利為謙

恭惟某官燕譽甚休

詩慶既令居韓姑燕
譽注燕安譽樂也

驛

除不遠閔香山之白傳歲月已深

白居易傳起為同州
刺史不拜改太子少

傅居易為當路所忌遂擯斥所蘊不能施遂無立功名
意與弟行簡從祖弟敏中友愛東都所居履道里疏治
種樹構石樓鑿八節灘自號醉吟先生晚
學浮屠法至經月不茹葷稱香山居士

起東海之蕭

生風雲胥會

蕭望之傳宣帝自在民間聞望之名曰此
東海蕭生耶後漢書馬武傳論咸能感會

風雲奮其智勇劉玄傳贊聖公靡聞假我風雲注易曰
雲從龍風從虎聖人作而萬物覩假借也言聖人初起
無所聞知借我
中興風雲之便

有如衰朽諒借吹噓某自揣頭顱

前見不

堪指目

柳文羣怪聚罵指目牽引新唐書李昭德傳昭
德頗怙權為眾指目東坡詩所至人聚觀指目

生毀

聊復爾耳少陪鳴履之班行或使之即控挂冠之

請

並見前

代回程慶元

準○慶元已見

制五刑即天論贊曹無補

論音倫禮記凡制五刑必即天論注制斷也必即天論言

與天意合

居四民時地利攝長可慙

尚書司空掌邦土居四民時地利

即拜

誤恩

陳後山詩將老蒙誤恩詳見前

亦懷厚比恭惟某官賢勞於外聖

眷已深憐草木之味同假之聲氣

左傳今譬於草木寡君在君之臭味也

惜桑榆之景晚借以寵光挽回神武之冠躡視文昌之

座

並見前

某餘年無幾

晉張忠傳苻堅遣使徵之沐浴而起謂弟子曰吾餘年無幾不可以

逆時主之意劉敏元字道光永嘉之亂同郡管平以年老從敏元西奔為賊所劫敏元謂盜曰此公餘年無幾願以身代東坡南華寺六祖塔功德疏憐幼穉之無辜除其疾恙念餘年之無幾賜以安閑又詩餘年知幾何佳月豈

屢逢

取數已多

禮記取數多者仁也

司喉舌之納言濫巾甚愧

詩出納王命王之喉舌北山移文竊吹草堂濫巾北岳

借齒牙之餘論納履為期

南史謝朓傳朓好獎人才會稽孔顗粗有才筆未為時知孔珪嘗令草讓表以示朓朓嗟吟良久手自折簡寫之謂珪曰士子聲名未立應共獎成無惜齒牙餘論其好善如此納猶著也禮記坐右納右言著右足之屨說苑田子方曰士貧賤者言不用行不合則納履而去耳

代回孫衢州

子直○衢州春秋為越姑蔑之地秦屬會稽為太末縣漢因之東漢分太

末立新安縣晉改曰信安唐平李子通折婺州之西境於信安縣置衢州元和志以州有三衢山故名吳會須知云以路通三越故名三衢山在常山縣圖經昔有洪水暴出派茲山為三道故名

憲曹贊長徒玩歲以罔功

通典唐天寶中改刑部為憲部

起部虛負遂

誤恩而率屬有渥粉榆之庇密榮蒲柳之凋

並見前

恭惟

某官作牧近畿肇基王業

尚書肇基王迹

有功則悅行頒一札

之書

詩序有功而見知則悅矣後漢書一札十行

位事惟能會振六官之譽

尚書建官惟賢位事惟能左傳成公十八年晉悼公即位于朝始命百官凡六官之長皆民譽也舉不失職官

不易方爵不踰德師不陵正旅不偏師民無諠言所以復霸也晉作六軍以六卿統之六官之長即六卿也譽

望也

曲憐衰朽巧借吹噓

鄭太傳清談高論噓枯吹生

某久欲投簪

左太

冲詩躊躇足力

頃聊與投吾簪寧堪鳴履司納言之唯古恐乏告猷

詩遠

猷辰告尚書爾有嘉謀嘉猷則入告爾后于內

借餘論於齒牙早期歸老

見上條

代回張澧州

忠恕○澧州已見

分符竹使

漢文帝紀初與郡守為竹使符注竹使符皆以竹箭五枚長五寸鐫刻篆書第一至第五

出牧蘭江

楚詞云捐余佩兮澧浦因稱珮浦又云澧有蘭故曰蘭江杜牧之詩蘭浦蒼蒼春欲暮落

花流水動離襟劉夢得詩鄰境諸侯同舍郎芝江蘭浦恨無梁

諒榮戟之初臨已袴襦

之交詠恭惟某官人門具美

並見前

仕學皆優粵從幕水

之依空羣冀野

南史王儉用庾景之為衛將軍長史蕭緬與儉書曰盛府元僚實難其選庾景

行泛綠水依芙蓉何其麗也時人以入儉府為蓮花池故緬書美之韓文伯樂一過冀北之野而馬羣遂空

尋駕屏星之寵歌滿海沂茲斂惠於一州行報政于五

月

並見前

某語離方爾賀上闕然

白樂天詩賀上人回得報書

還吾道

兮洞庭相知已晚

屈原九歌駕飛龍兮北征還吾道兮洞庭

遺余襟兮澧浦

藏弄為榮

屈原九歌捐余袂兮江中遺余襟兮澧浦襟音牒說文南楚謂禪衣曰襟楚詞注襟襜褕

事神所用

代回潘真州

友文○真州已見

象刑贊貳自愧罔功雉正攝丞猥令率屬

並見前

非餘波

之遠竊

左傳其波及晉國者君之餘也

何誤渥之驟加恭惟某官朝績

方華民庸甚茂駕輕就熟不忘推轂之言

韓文若駟馬駕輕車就熟

路噓枯吹生巧借託根之地

後漢書鄭太傳孔公緒清談高論噓枯吹生注枯者

噓之使生生者吹之使枯言談論有所抑揚也山谷詩江梅有佳實托根桃李場

故令尸素亦

復佩蒼

禮記大夫佩水蒼玉而純組綬

某餘年無多休日已晚惟是識

鄭宗之履莫報君恩正當挂弘景之冠歸歌聖德

並見前

代回安慶楊國博

輯○安慶春秋時為皖國閭姓咎繇之後亦為舒國桐國之地

皆為楚所滅戰國屬楚秦屬九江郡漢屬廬江郡梁置豫州陳曰晉州隋曰熙州唐改舒州宋因之政和陞德慶軍紹興以康州陞德慶府改安慶軍又以寧宗潛邸安慶府

元帥辟賢名儒出牧傳道解惑太學固教化之原

韓文師者

所以傳道受業解惑也

謹身帥先郡守亦吏民之本

漢書循吏傳序皆謹身帥

先居以廉平及至孝宣以為太守吏民之本也數變易則下不安

恭惟某官器資端諒

學術粹夷論不說於聖人皆師友乎孔孟

揚雄傳贊揚子之書文義

至深而論不說於聖人師古曰詭違也聖人謂周公孔子

達可行於天下真妾婦乎

儀秦自服班行

韓詩班行再肅穆

益隆譽處

詩燕笑語兮是以有譽處兮詳見前

士有矜式甚慰橋門億萬人之心民無歎愁却須刺史

二千石之力

竝見前

用名父杜母之政

杜詩傳還南陽太守比室殷足時人

方於召信臣故南陽為之語曰前有召父後有杜母注召信臣為南陽太守為人興利務在富之

慰桐

君皖伯之邦

安慶懷寧縣本漢廬江郡皖縣周大夫皖伯始封於此桐城縣本春秋桐國世傳有

桐君藥錄互見前

一郡得賢萬物吐氣某未由削櫝先辱飛緘

君豈薄淮揚耶當還禁闥

竝見前

吾必在汶上矣猶見璽

書

循吏傳序二千石有治理效輒以璽書勉厲增秩賜金或爵至闕內侯

代回周建昌

建昌已見

入覲天陞出牧江城

杜詩鼓角動江城

地小而民實殷無謂附

庸之陋政平則訟自理蔚為保障之雄

循吏傳序庶民所以安其田里

而亡歎息愁恨之心者政平訟理也

恭惟某官濟美象賢蜚英燕譽

竝見前

頃為別乘既邦國之不空

王祥傳邦國不空別駕之功詳別見

今則專城

諒湖山之自得

古辭陌上桑三十侍中郎四十專城居韓文令行于戶庭數日之間而人自得

於湖山千里之外

眷盱江之小壘

西漢地理志南城縣注云盱水西北至南昌入湖漢盱江

之名肇於此或謂江南盱村有老姥自此山去故號盱母江見南唐韓熙晟盱江亭記或謂盱真君窮水源至

血木四因此得名宋曾布詩軍山流泉初濫觴繚繞東出為盱江峯巒隱映淵源長地靈物秀雄吾邦接

閩嶠之要衝

王平叔建昌軍記捍禦七閩牽制百粵

欲寬愁恨歎息之民

是在賢良慈惠之帥銅陵石磴尋謝屐之風流

謝靈運華子岡

詩詳見前

金盤玉杯識顏碑之氣骨

顏魯公麻姑壇記詳見前

是不落莫

何有鄙夷

見前

某方此違離悒然馳騫

僚蘇故切向也

插三萬軸

嘗願託於主盟

韓詩挿架三萬軸左傳何以主盟

奉咫尺書敢再溫於

前請

溫煬也以火熱物曰煬左傳若可煬也亦可寒也疏云煬溫也前盟已寒更溫之使熱

代回趙肇慶

肇慶本秦南海郡地漢置蒼梧郡高要以縣屬焉宋文帝割南海郡四會

縣置綏建郡梁立高要郡隋立端州煬帝罷端州為信安郡唐立端州以州當入廣西之要口也為高要又以四會縣置南綏州改綏州為真州尋廢真州以四會縣隸廣州改高要郡復為端州宋以徽宗潛藩陞興慶軍節度廣東運

判燕瑛請賜美名遂名肇慶府

鬚垂霜白甚便烏角之中

便毗連切說文安也晉羊祜與從弟護書曰年已朽老既

定邊事當角巾東洛還歸鄉里海錄碎事薛革除左散騎常侍年至而無疾請告角巾東洛時甚高之杜詩錦里先生

腰佩水蒼仍玷紫荷之橐

禮記大夫佩水蒼玉晉書輿服志八坐尚

書荷紫以生紫為袷綴之服外加于左肩昔周公負成王制此服衣至今以為朝服唐類表佩蒼玉服紫荷

見詳別

何勤妙墨

文選淵雲之墨妙

更示徽言

尚書予旦已受人之徽言

恭惟

某官大雅不羣在宗載考

詩湛湛露斯在彼豐草厭厭夜飲在宗載考箋載之言則

也考成也夜飲之禮在同姓諸侯則成之於庶姓其讓之則止

駒翩翩兮長駕早空冀

北之羣鳶跼跼兮卑飛猶落嶠南之遠

馬援傳仰視飛鳶跼跼墮水中

嶠渠廟切說文山銳而高也增韻山道

佇策龔黃之績

東坡詩龔黃側畔難言政羅趙前頭

且眩歸圖勉峴之功

李勉李峴唐宗室宰相詳見前

某有七不堪

嵇叔夜與

山巨源絕交書自惟至熟有必不堪者七甚不可者二

負二宜去

昌黎孔戣墓誌吾負二宜去尚

奚顧子言詳別見

會且歸矣願為聖人之氓

詩會且歸矣無庶予子憎

愛莫

助之請續循吏之傳

見前

代回王楚州

益祥○楚州即宋昭信軍春秋時為吳善道秦改東陽西漢為盱眙縣屬

臨淮郡東漢屬下邳國東晉以來為盱眙郡陳置北齊州唐改西楚州改隸泗州宋屬楚州復隸於泗中興以來陞為盱眙軍紹定間金人餘衆哈納邁珠乞降改招信軍領縣三治盱眙

入紆漢組出牧淮壖

壖而宣切江湖邊地

銅虎分符資循良之共

理石龜設險喜牧御之得人

龜山在盱眙縣北三十里其西南上有絕壁下有重

淵太平廣記禹治水以鐵鎖鎖淮渦水神巫支祁於此山之足唐永泰中李湯以牛五十引鎖出之鎖末有一青猿高五丈許復拽牛沒水宋張商英龜山水陸院記以佛書考之則五百梵僧游止之地以仙經考之則太真元君之別治也王荆公詩黃塵欲礙龜山出白浪空分汾水來

恭惟某官材具寬詳

器資敏劬循循善誘立美教於鱣堂

揚震傳有冠雀銜三鱣魚飛集講堂

前鱣音善通作鱣

諤諤以昌振直聲於烏府

家語湯武以諤諤而昌桀紂以唯唯

而屈伸以道出處何心茲屈搏風九萬里之程姑從起

家二千石之寵山陽古郡江北要衝

都梁志序盱眙為國北門為今重鎮

陸務觀翠屏堂記盱眙實梁宋吳楚之衝

師旅饑饉之餘民亦勞止勞來安

定之政公優為之

禮記周公優為之

某別日猶新消辰未審雙

魚中素猥勤先施之光

施施智切惠也與也毛氏曰凡施設之施平聲施與之施並平

去通 押 千騎上頭莫贊前驅之慶

古辭陌上桑東方千餘騎夫婿居上頭徐伯陽

詩欲識東方千騎歸

藹藹日暮風塵起

代回趙江陰

彥造○江陰為古延陵邑之地季札封於延陵故其地屬吳秦漢以來郡

則會稽吳郡縣則毘陵鄉則暨陽晉武置毘陵郡併置暨陽縣屬焉梁敬宗始置江陰郡及江陰縣唐置暨州南唐始建江陰軍宋嘗三廢為縣南渡後以軍繼以知縣兼軍使及金人入寇復為軍其廢也竝為毘陵屬邑其復也竝為軍

入對文石出牧澄江

江陰名澄川見保大元年招隱院記

天近帝畿已覺

王孫之貴

杜詩尚覺王孫貴豪家意頗濃

地名道院諒無刺史之難

宋王

關之澠水燕談云江陰軍北距大江地僻鮮過客無將迎之煩所隸一縣公事絕少通州南阻江東北濱海士

夫罕至居民魚鹽自給不為盜獄訟希簡仕宦二州者
最為優逸故士夫以江陰為兩浙道院通州為淮南道
院韓文有刺史之榮而無
其難為者將在於此乎
恭惟某官卓然宗標展也國

器爾雅展信也注方言荆吳淮泗之間謂信為展詩展
也大成韓安國傳唯天子以為國器師古曰國器者
言其器用重大可施於國政也房玄齡傳高孝基名知
人謂裴矩曰僕觀人多矣未有如此郎者當為國器

大功二十之一舉才子以為宜

左傳天下同心戴舜以
為天子以其舉十六相

去四凶也舜有大功二十而為天子今行父雖未獲一
吉人去一凶矣於舜之功二十之一也十六相謂高陽
氏才子八人高辛氏才子八人高陽帝顓
頊之號高辛帝嚳之號十六人其苗裔也
同姓五十有

三友邦君而亦衆

漢書諸侯王表昔周監於二代三聖
制法立爵五等封國八百同姓五十

有餘尚書嗟我友邦冢君

眷淞河之奧壤

莊子淞河以來宋江陰軍隸浙西路

在申浦

之名邦

申浦在今江陰縣西三十里昔春申君開浦置田為上下屯自大江南導分而為二東入無錫

西入武進戚墅俱達於漕河

舳艫相銜如枕席之上

武帝紀舳艫千里趙充國傳信

威千里從枕席上過師注橋成軍行安易若於枕席上過也

湖山自得歸庭戶之中

韓文令修於庭戶數日之間而人自得於湖山千里之外

使細民而息肩

左傳請息肩于晉

在大宗之維翰

詩大邦維屏大宗維翰

某儀圖賀厦寢迫歸田八

座前銜恍已成於芻狗尺書厚意聊附報於歸鴻

竝見前

代回趙南雄

善契○南雄秦屬南海郡漢平南粵而曲江以縣隸桂陽郡統於荊州三

國屬吳分桂陽為始興郡治曲江而始興以縣屬焉劉宋屬廣興郡齊復屬始興梁陳因之隋廢始興郡屬廣州唐初屬韶州復分其地置新昌縣南唐割韶之須昌始興二縣置雄州宋潘美征嶺南克英雄二州以河北有雄州故加南字宣和賜名保昌郡今為南雄府○詳啓意蓋以韶州別駕遷

南雄太守

懷組新興

韶州東漢置始興郡尉孫吳置始興郡劉宋改唐興郡齊復為始興

改轅舊部

趙先為韶州別駕

昔為半刺猶未究於全材茲既專城諒不孤

於共理恭惟某官飛英屬籍

司馬相如傳蜚英聲騰茂實文帝紀復諸劉有屬籍

家無所與擢秀儒科

呂安書植根芳苑擢秀清流杜詩偶然擢秀非難取

楚令尹之清

已之無愠漢良吏之盛去則見思

循吏傳序漢世良吏於是為盛所居民富

所去見思久於飛鳧

王喬傳喬有神術為葉令每月朔望常自縣詣臺朝帝怪其來數而不見車騎

密令太史伺望之言其臨至輒有雙鳧從東南飛來於是候鳧至舉網張之但得一隻焉

晚而展

驥別數欲搜於劉關

昌黎元和聖德詩八月壬午關棄城走是日崇文入處其宇分散逐

捕搜原別藪闕窮見窘無地自處

毀羹不愧於樂羊

戰國策樂羊為魏將攻中山其子時

在中山中山君烹之作羹致於樂羊樂羊食之古今稱之曰樂羊食其子以自信明害父以求法山谷詩毀羹

不如放麋樂

茲從三楓

方輿勝覽韶州記曰曲江縣修仁水西南連水北有三楓亭五

渡水齊范雲為始興太守至修仁水酌而飲之賦詩曰三楓何習習五渡何悠悠且飲修仁水不挹背邪流渡

一作就領半竹文帝紀初與郡守為銅虎符竹使符注

書第一至第五各分其半右留京師左以與之吏民苟干共忻別駕之重留號

令先庚不待賢侯之再命竝見前紅旗破敵白樂天詩紅旗破賊非吾

事黃紙除書無我名畫戟凝香某側聞下車未由上記竝見前種柳

而歌刺史願早成陰柳河東種柳詩柳州柳刺史種柳

垂陰當覆地聳幹會參天好作思人樹慚無惠化傳折梅而憶故人無忘寄驛荆州

記陸凱與范曄相善自江南寄梅花一枝詩長安與曄贈詩曰折梅逢驛使寄與隴頭人江南無所有聊贈一

枝春接梅嶺在南雄張子韶詩詩人嘗說嶺頭梅往往春風自此來到嶺前都不見空將春夢又空回

代回黃岳州

渙○岳州已見黃渙字德亨光澤人父敦義以六經教子七子皆有成立

渙志篤學博嘗從呂祖謙游學淳熙戊戌南省第二人後守岳州罷廚傳蠲魚稅毀淫祠卒年八十一兄謙字德柄亦游朱呂之門

入對楓宸出分竹使京洛雲山外方佇來儀乾坤日夜

浮又煩坐鎮

杜詩昔聞洞庭水今上岳陽樓吳楚東南拆乾坤日夜浮任彥昇賤道風高論坐鎮

雅俗恭惟某官恢然抱負

韓文抱負其業東歸于家

多所踐駁攜龍枕

參早冠南宮之進士

漢書天文志杓携龍角衡殷南斗魁枕參首注杓斗柄也龍角東方

宿也携連也禮部曰南宮唐韋永貽詩白蓮十朶照廊明一片昇平雅頌聲才唱第三條燭盡南宮風月畫難

成馮熊接軫歷試東方之諸侯

唐徐游藝碑秩映隼旗榮驂熊軾職源隼飛旗

上熊伏軾前尚書畢公率東方諸侯立應門右東坡詩若為東諸侯長此佳山川

豈袁盎直諫

乃不居中

袁盎傳盎以數直諫不得久居中調為隴西校尉

抑望之雅意固求

補外

蕭望之傳望之雅意在本朝遠為郡守意不自得

屈伸以道出處何心今

奉建武之細書

建武光武年號循吏傳序一札十行皆細書成文

坐覽岳陽之

大觀

觀古玩切易大觀在上范文正公岳陽樓記巴陵勝狀在洞庭一湖銜遠山吞長江浩浩湯湯橫無

際涯朝暉夕陰氣象萬千此則岳陽樓之大觀也

先天下而憂後天下而樂不

在茲乎

范文正公岳陽樓記其必曰先天下之憂而有憂後天下之樂而樂歟噫微斯人吾誰與歸有

刺史之榮無刺史之難亦足試矣

韓文有刺史之榮而無其難為者詳見前

某負二宜去

見前

有兆足行我欲破何山之葷且甘藿食

南史何胤傳胤二兄求點並棲遯世號點為大山胤為小山初胤侈於味食必方丈後稍欲去其甚者猶食白魚鮠脯糖蟹汝南周顒與書勸令食菜故胤末年遂絕肉食又常禁殺虞人逐鹿鹿徑來趨胤葷許云切說文臭菜也徐曰通謂芸臺椿韭蔥蒜阿魏之屬方術家所禁謂氣不潔也爾雅翼云釋以大小蒜興渠蔥蔥茗蔥為五葷道以韭蒜芸臺胡荽薤為五葷後山和黃預感懷詩壁立無堪佐子貧謾修簡牒效慙慙起臨月鏡看生意卧向晴簷共白雲逸氣不應供潦倒劇談脫或致紛紜但令蘇晉禪妨醉不患何山病故葷曹植七啓予甘藿藿未暇此食也

公當增黃霸之秩而入筍班

北夢瑣言

唐末朝士中有人物者號玉筍班又外郎班清緊不雜亦號玉筍班鄭谷詩渾無酒泛金英菊漫道官居玉筍班山谷詩誰憐舊日青錢選不立春風玉筍班

代回張潮州

鎬○潮州即漢南海之揭陽縣地晉成帝分立東官郡安帝又分東官置

義安郡及海陽縣梁置東揚州又改瀛州隋置潮州大業中為義安郡唐武德中復為潮州天寶初改潮陽郡乾元初復為潮州宋因之

出綸西掖

劉楨詩誰謂相去遠隔此西掖垣注洛陽宮有東掖門西掖門

作牧東揚

潮州

梁為東揚州

魚佩虎符香自凝於燕寢

新唐書循吏傳序初刺史準京官得佩魚

品卑者假緋魚文帝紀二年九月初與郡守為銅虎符

鳳城龍首患何有於鱷魚

鳳凰山在海陽縣昔有爰居來集因名之鳳城得名以此龍首山在海陽縣一名獲子山又名侯子山鱷溪一名惡溪東流五十里入於海溪有鱷魚四足黃身修尾其形如鼉舉止趨疾口森鋸齒往往為人害鹿行崖上羣鱷鳴吼鹿怖墮崖為鱷所得唐書韓愈傳愈至潮問民疾苦皆曰溪有鱷魚食民畜產且盡民是以窮愈為文祝之是日風電起溪中水盡涸自是潮無鱷魚患類苑陳堯佐以言事謫潮州通判州人為鱷魚所食乃命吏督漁者網而得之鳴
恭聞某官喬木聞家茁蘭秀質
鼓告其罪戮之於市

高山流水早收出宰之榮

韓詩出宰山水縣

明月清風尋取平

分之寵民懷五袴

竝見前

君夢三刀

岑參詩刀州先入夢東坡詩不羨三刀夢

蜀都眷是潮陽雄于廣郡善必聞惡必見雖嶺海如畿甸

之間

昌黎潮州謝上表朝廷治平天子神聖雖在萬里之外嶺海之陬待之一如畿甸之間輦轂之下有

善必聞有惡必見

守此土治此民乃貢賦供宗廟之壤

昌黎鯉魚丈今

天子神聖四海之外六合之內皆撫而有之况禹跡所
揜揚州之近地刺史縣令之所治出貢賦以供天地宗
廟百神之祀之壤者哉刺史受天子命守此土治此民
而鯉魚與刺史亢拒爭為長雄刺史安肯為鯉魚低首
下心以偷活於此耶惟能誕布韓昌黎之政自可細和鄭餘慶之

詩

鄭餘慶字君業鄭州滎陽人一統志云餘慶貶潮州司馬以詩自娛不以遠謫介意按新舊唐書皆云餘

慶貶郴州司馬此云潮州當別有據又盧氏雜記云鄭餘慶清儉有重德一日忽召親朋數人會食閑話移時諸人皆囁然餘慶呼左右曰處分廚家爛蒸去毛切莫拗折項諸人以為必鵝鴨之類良久就餐每人前下粟

米飯一碗蒸胡蘆一枚相國餐美諸人強進而罷

某從雙魚中聞千騎上

見文

軫之薄桂海無有遐心

選詩文軫通桂海

姓名之在御屏願恢

遠業

新唐書循吏傳序太宗嘗曰朕思天下事兩夜不安枕永惟治人之本莫重刺史故錄姓名於屏風

卧興對之得賢否狀輒疏之下方以擬廢置

代回章象州

時言○秦始皇南取百粵以為桂林象郡象郡之名始此然秦象郡乃交

趾非今之象州漢初為趙佗所據漢武平南越以桂林地置鬱林郡而秦之象郡更名曰南今之象州即鬱林郡之中溜潭中二縣也吳分鬱林置桂林郡晉桂林郡有潭中而無中溜宋桂林郡有中溜而無潭中陳置象郡隋置象州此則象州之所從始也煬帝廢州為縣唐復置州宋因之

夏辟三千貳卿弗績

晉刑法志夏后氏之王天下也則五刑之屬三千殷因於夏有所損

益冬官六十攝長奚功過辱高情遠垂下問恭惟某官

材猷膚敏政術融明竹使虎符曾謂人生之貴

杜詩人生五馬

貴桂林象郡諒增地望之雄

象山在陽壽縣西五里以形得名西山與象山相連

嶺外代答云象州郡治西樓正面西山山腹忽起白雲狀如白象經時不滅然不常有州之得名或由於此非秦之桂林象郡也今象州城門畫一白象不知何義然象州自昔不遭兵革凡有大盜皆相戒以不宜犯象鼻畫象之意其在茲歟稗史會編云徐中行參政廣西行出象州計此必多象不然何以為郡名問之舟人云此絕無象心怪之明日早作見山崖水次白象以千數或飲或食或趨或卧或相戲逐其狀不一中行詰舟人曰

爾謂無象此為何物舟人曰此山氣所結日高當不見中行不信至日出象漸散滅無一存者乃知古人以其氣名之按此殆如登州海市之類嶺外代答所謂山猶腹白雲者豈即是歟因疑古人氣象二字或本於此猶枉雙魚見華五堆某去天雖近來日無多竹馬交迎公

當厚南土之惠

俱見前

尊鱸既熟我當御西風而行

莊子列子

御風而行泠然善也注泠然輕妙之貌

代回施溫州

械○溫州秦屬閩中郡漢屬會稽郡之回浦縣後改回浦為章安縣章帝

分章安縣東甌鄉置永寧縣吳以會稽東郡都尉為臨海郡晉明帝分臨海郡五縣立永嘉郡隋改括州唐高宗分括州置溫州後建寧海軍使宋降為軍事咸淳元年以潛藩陞瑞安府郡有溫嶺其

地常燠少寒州
名或本於此

西曹叢棘之卿躡升五雉

禮記正以獄成告于大司寇大司寇聽之棘木之下易坎

上六係用徽纆寘于叢棘三歲不得凶

南國甘棠之伯遠寄雙魚

詩序甘棠美召

伯也召伯之頌而不規

韓文不以規頌而以規

榮亦為愧恭惟某官

身兼數器

薛宣傳經術文雅足以謀王體斷國論身兼數器有退食自公之節

惠斂一州

韓文斂此大惠今施于一州

雅志在乎本朝行召君矣

蕭望之傳望之雅意在本

朝汲黯傳吾今召君矣

好善優於天下豈欺我哉故令陳人

莊子人而

無人道是復被新渥

杜詩新渥照乾坤

某亦聿既髦

詩借曰未知亦聿既

髦
豈不懷歸詩豈不懷歸天子以孔戣為尚書三留甚

畏此簡書

媿韓文孔子之後三十八世有孫曰戣三上書去官天子以為禮部尚書吏部侍郎韓愈謂曰公尚壯上三

留公奚去之果宰相舉龔遂於太守一見即行龔遂傳渤海左右郡歲饑盜賊

並起二千石不能禽制上選能治者丞相御史舉遂可用上以為渤海太守

代回王寧國

補之○寧國府即秦鄆郡漢改丹陽郡理宛陵即今治也東漢立宣城郡

梁置南豫州隋改宣州唐昭宗時號寧國軍宋為宣州仍為寧國軍節度以孝宗潛藩陞府

制五刑以即天參禮記凡制五刑必即天論詳見前周禮設其參傳其伍又

官聯以居四民而時地率屬可慙尚書司空掌邦土簡

會官治

拔非宜游揚有自

季布傳使僕游揚足下名于天下

恭惟某官久分符

竹行及成瓜國人曰賢當拾遺於禁闥

汲黯傳臣願為郎中出入禁闥

補過拾遺

天子有詔佇奉計於甘泉

韓文無疾其驅天子有詔漢太初元

年春受計甘泉師古曰受郡國所上計簿也若今之諸州計帳

猶枉魚書見華雉正某

日之夕矣

詩日之夕矣牛羊下來

人謂斯何

韓文昔者人謂斯何今者人謂斯何納

言喉舌之司濫竽何益

見前餘論齒牙之借納履為期

南史

謝朓傳士子聲名未立應共獎成無惜齒牙餘論說苑田子方曰士貧賤者言不用行不合則納履而去耳

代回建寧傅侍郎

伯成○建寧已見伯成本傳見十七卷臺諫類

象刑贊治自愧罔功推正分工猥令率屬誤恩有自餘

此馬依

並見前

恭惟某官王之蓋臣

詩王之蓋臣無念爾祖注蓋進也王之進

用臣當念汝祖為之法

國之元氣

禮記天地者元氣之所生萬物之祖律歷志太極元氣五三為

一李固傳斗斟酌元氣運平四時淮南子宇宙生元氣班固傳降烟燭調元氣

元戎小隊又頒

千里之春

杜詩元戎小隊出郊垌通作班崔駰傳乃強起班春注班布春令也

方國細

書行趣九重之覲曲憐衰朽

韓詩肯將衰朽惜殘年

密借品題

李太

白集一經品題便作佳士

故躡長於中臺使少華於末路

鄒陽傳晚節末路四

子講德論曩從末路望聽玉音

某身其餘幾

左傳畏首畏尾身其餘幾

欲者不多慮

行道之獨非倚門翫

趙壹傳抗驕倚門邊注抗驕高亢悻直之貌驕子朗切韻會翫

辭體胖又則

愴休日之已晚搔首踟躕

詩愛而不見搔首踟躕踟躕重株

浪切立貌切又陳留切注心既愛之而不得見故搔其首而踟躕然鄭曼季答陸雲詩誰謂河廣曾不容舟企予望之搔首踟躕

代回新平江趙待制

希憚○平江已見宋史本傳希憚字伯和燕王八世孫登

淳熙十四年進士第趙汝愚帥福建希憚為屬吏薦於辛弃疾弃疾亦薦其能調江東運司幹辦改太平州通判遷江西茶鹽提舉陞本路帥兼漕事經略郴寇李元礪功未竟移知平江府其後卒平元礪移知太平州已而乞祠遷端明殿學士換昭信軍節度使開府儀同三司致仕卒贈少保封成

國公

弭節江城

離騷經吾令義和弭節兮

建牙輔郡

見前

鸞鳴滕閣久雅望

之遙臨

王勃滕王閣詩滕王高閣臨江渚佩玉鳴鸞罷歌舞詩序都督閣公之雅望榮戟遙臨

燕

寢蘇州暫凝香之森衛

章蘇州詩兵衛森畫戟燕寢凝清香

恭惟某官偃

藩明德

敘傳木偃息以藩魏左思詠史詩吾希段干木偃息藩魏君詳見前

胙土大勲

滿勛

冊魏公九錫文先王竝建明德胙之以土分之以民崇其寵章備其禮物

衮衣繡裳宜拜左

周公之命

見前

彫弓皐蓋又分右馮翊之符

荀子天子彫弓諸侯彫弓

大夫黑卧而治之

汲黯傳吾徒得君重卧而治之爾東觀漢記景丹弘農太守帝謂曰知將

軍病但得將軍威重卧以鎮之足矣

行且名矣某罔功犴獄

詩宜犴宜獄今文作岸毛

傳岸訟也韓詩云鄉亭之獄曰犴法言控犴使人多禮

攝長雉工昔受一廛事其

大夫賢者今為三輔無以我公歸兮

並見前

代回陳撫州

蕃孫○撫州已見詳啓意陳蓋月湖同年之子

牧夫庶獄之司躡陞五雉

尚書其勿誤于庶獄惟有司之牧夫

邦君諸侯

之寵遠寄雙魚

尚書爾庶邦君又惟邦君月湖撫人故稱邦君

受之報然感亦

厚甚恭惟某官器資敏劬治術寬明師出於陳鄭之間

孰共扉屨

扉父沸切說文履也從尸非聲釋名草履曰扉曰不借言賤易有宜各自足不假借也方

言扉麤屨絲作曰屨麻作曰扉通作菲左傳申侯曰師老矣若出於東方而遇敵懼不可用也若出於陳鄭之間共其資糧

人樂其龔黃之教謂有璽書

東坡詩龔黃側畔難言政

羅趙前頭

似聞棠蔭之成已迫葵丘之代民雖借寇使

盍召參

竝見前

諒敬老之近親

禮記貴有德何為也為其近于道也貴貴為其近于

君也貴老為其近于親也敬長為其近于兄也慈幼為其近于子也

不撫壯而棄穢

離騷經惟

草木之未零落兮恐美人之遲暮

某偶然曳履

鄭宗傳為尚書

僕射數求見諫諍每聞曳履聲上

行矣投簪

左思詩踟躕足力煩

笑曰我識鄭尚書履聲詳見前

耶與投君數父執於慈恩誰其存者

禮記見父之執不謂之進不敢進不

吾簪

謂之退不敢退不問不敢對此孝子之行也注執友志同者李肇國史補進士既捷列姓名於慈恩寺塔謂之題名王泉子慈恩寺連接曲江京輦勝境每歲新得第者畢列名於此

我得塵氓於仁政

顧不幸哉

月湖撫州人

代回趙常德

師乘○常德殷周為蠻蜺所居春秋戰國屬楚秦為黔中郡漢更武陵郡

梁置武州隋改辰州煬帝更武陵郡唐因之復為朗州昭宗置武勝軍節度後唐為武平郡宋祥符中改鼎州陞永安軍改靖康軍陞武平軍節度乾道初以孝宗潛邸陞常德府

陞材宗邸作牧价藩

見前

全楚故邦

郡志在昔黔中為楚之南宇左包洞庭之

險右控五溪之要秦以虎狼之威而必欲得楚之黔中故楚由是衰今武陵實古黔中郡也

義陵雄

郡方輿勝覽云初項羽殺義帝於郴武陵人編素哭於招屈亭高帝聞而義之故曰義陵既有賢

明慈惠之帥當無愁恨歎息之民並見前恭惟某官玉派

流芳玉派謂宗室金門賜第金門謂金馬門雲霄一握盍陪護於屬

車司馬相如傳犯屬車之清塵應劭曰漢制大駕屬車八十一乘師古曰屬者言相連續不絕者風月

平分久徘徊於別乘茲分符竹趣及戍瓜三閭大夫何

至斯濯纓甚樂屈原漁父篇屈原既放游於江潭行吟澤畔漁父見而問之曰子非三閭大夫

與何故至於斯云云乃歌曰滄浪之水清兮可以濯我纓滄浪之水濁兮可以濯我足武陵太守

好事者進棹尤宜昌黎桃源圖詩神仙有無何渺茫桃源之說誠荒唐流水盤迴山百轉生

綃數幅垂中堂武陵太守好事者題封遠寄南宮下南
宮先生所得之波濤入筆驅文辭文工畫妙各臻趣異
境恍惚移于斯云云船開棹進一迴顧萬里蒼
蒼烟水暮世俗寧知偽與真至今傳者武陵人洞庭無

波九歌令沅湘兮無波使江水兮安流又駕飛龍
兮北征遭吾道兮洞庭又洞庭波兮木葉下宣室

有詔某未遑上記候問下車

張酺傳下車擢用義勇搏
擊豪強張衡傳下車治威

嚴整法度周紆傳下
車先問大姓主名

客遺雙魚聊作不遠之復

易復初
九不遠

復无祇悔元吉象曰
不遠之復以修身也

人生五馬願觀自養之頤

易觀頤
觀其所

養也自求口實
觀其自養也

代回湖北范漕

子長

兼鄂州

鄂州
已見

四牡之勞使臣久稽王覲

詩序四牡勞使臣之來也左傳王覲為可

五雉之

為工正謬忝國恩手筆鼎來背芒益重

並見前

恭惟某官

岷峨雋特江漢經營

詩江漢湯湯武夫洸洸經營四方告成于王

方言利者

析秋毫民力竭矣

漢書食貨志郭咸陽齊之大鬻鹽乳僅南陽大冶皆致產累千金故鄭當

時進言之桑弘羊洛陽賈人之子以心計年十三侍中故三人言利事析秋毫矣自警編薛簡肅公天禧初為江淮發運使辭王文正公無他語但云東南民力竭矣薛退謂人曰真宰相之言也

得明公而

守夏口使指裕如

夏口一名魯口似指夏水之口然何尚之云夏口在荆江之中正對沔口

通接雍梁實為津要於事為允而章懷太子注東漢水亦謂夏口戌在今鄂州故唐史皆指鄂州為夏口本在

江北自吳大帝取對岸夏口之名以名之而江北之式

名始晦司馬相如傳宣其使指馮奉世者奉使有指

遙其歸詩式遙其歸吉甫作頌穆如清風

不遠伊邇

詩中心有遠不遠伊邇注見前某

負二宜去有七不堪

並見前

詠南朝之數諸何恍非其舊

山谷詩西漢功名相國多南朝人物數諸何南史何尚之傳廬江鬻人子孫弟姪附傳者八人代月湖故云

歌西賊之聞一范願疾其驅

名臣傳范文正公與韓魏公協謀收復靈夏橫山之

地邊上誼曰軍中有一韓西賊聞之心骨寒軍中有一范西賊聞之驚破膽互見前

代回汪吉州

檄○吉州春秋屬吳戰國入楚秦屬九江長沙郡漢屬豫章郡及長沙國

東漢置廬陵郡晉以廬陵郡隸揚州又割隸江州吳置安成郡隋改安福縣唐為吉州宋因之州有

吉水相傳水紋
成吉字故名

詳刑訓夏莫輸贊貳之功

後漢書劉愷傳以輕從重懼及善人非先王詳刑之意也

注書曰有邦有土告爾詳刑鄭玄注詳審察之也晉元帝紀布帳練帷詳刑簡化唐龍朔中改廷尉正為詳刑

大夫書序呂命訓夏贖刑

事典司冬忽被攝承之命

周禮六曰事典以富邦國以任

百官以生萬民左傳攝官承乏

誤恩有覲餘比焉依恭惟某官游著民

庸還分藩閩起家二十石佇看黃紙之除書

揚雄傳或起家至二

斗石白樂天詩紅旗破賊非吾事黃紙除書無我名又綠醅新酒當初熟黃紙除書到不知

連檣一

萬艘豈戀紅粧之執樂

東坡送江公著知吉州詩奉親官舍當有擇得郡江南差可喜

白粲連牆一萬艘紅粧執樂三千指
簿書期會之餘閑亦念人生行樂耳行且召美願少須

之某久覺龍鍾難司鳩傷已屢貢挂冠之請兆足以行

雖遠勤削櫝之褒榮適為愧

並見前

代回胡峽州

坦○峽州已見

紀白雲之司已慚弗績

杜氏通典黃帝受命有雲瑞故以雲紀事秋官為白雲嚴維詩

蘇耽佐郡時近出白雲司詳見前

分蒼王之佩更愧罔功

禮記大夫佩水蒼玉而純

組綬齊職儀尚書絳幘朝服佩水蒼玉執笏負荷詳見前

良馬五之

詩了了干旗在浚之都素絲組

之良馬五之傳驂馬五轡

烹魚雙只恭惟某官賦資凝遠

新唐書宋璟傳風度

凝遠人莫測其量
布政疏明居然一麾之臨邛在三峽之遠

水經

注三峽謂廣溪峽巫峽西陵峽
詰曲羊腸之路王尊願為忠臣

魏武帝苦寒行

羊腸坂詰屈車輪為之摧王智深宋紀氏人揚難當居在仇池山高二十里羊腸盤道三十六迴陳後山詩躡

滑踏青穿馬耳轉危緣險出羊腸餘見前
崔嵬虎牙之山吳漢隱若敵國

虎牙

山在夷陵東南三十五里大江北岸與荆門山相對如虎牙荆南圖副曰宜都夷陵縣東六十里南岸有荆門

山北有虎牙二山相對虎牙有石壁其文黃赤又似虎牙形荊州記虎牙二山臨江楚之西塞昔公孫述遣將

依二山作浮橋拒漢師下有虎牙灘又名武牙歐陽永叔詩醉裏人歸青草渡夢中船下虎牙灘王龜齡詩南

標銅柱北虎牙天險城邊古西寨吳漢傳建武十一年漢率征南大將軍岑彭等伐公孫述及彭破荆門長驅

入江關漢留夷陵裴露橈船卒平述諸將見戰陳不利
多惶懼失常漢意氣自若帝時遣人觀大司馬何為還
言方修戰具乃歎曰吳公願望此府北史王昕字景元
太尉汝南王悅辟
差強人意隱若一敵國矣

為騎兵參軍左右言其誕慢悅曰府望惟在此賢不可
責也舊唐書皇甫公義檢校沛王府長史引韋思謙為
同府倉曹謂思謙曰公豈此池中之物屈公為數旬
客以望此府耳東坡詩留君望此府助我憐其衰

媿昔人某司臬無庸共工尤忝

並見前

讀西陵至喜之記

恍若夢游

元和志峽州郡城陸抗所築吳改西陵以為
重鎮歐陽永叔至喜亭記云岷江之來合蜀

眾水出三峽為荆江傾折回直悍怒闖激束之為湍觸
之為旋順流之舟頃刻數百里不及顧視一失毫釐與
崖石遇則糜潰漂沒不見踪跡故凡蜀之可以充內府
供京師而移用乎諸州者皆陸出而其羨餘不急之物

乃下於江若弃之然夷陵為州當峽口江出峽始漫為平流故舟人至此者必灑酒再拜相賀以為更生尚書虞部郎官朱公再治是州之三月作至喜亭於江津以為舟者之停留也且誌夫天下之大險至此而平夷感北山勒移之文淒其歸晚

詩淒其以風注淒寒風也杜詩白首颯淒其餘見前

代回趙柳州

師懿○柳州秦屬桂林郡漢為鬱林郡潭中縣地梁置龍川隋以馬平縣

置象州屬始安郡唐置南昆州又改為柳州以當柳宿之下又置崖山縣又置洛封洛容縣改龍城郡復為柳州更洛封曰洛曹宋仍為柳州以洛曹隸宜州改龍城為柳城省象縣入洛容羈縻思順

歸化

二州

老夫髦矣躡分五雉之工

左傳老夫髦矣無能為也餘見前

公子何如

遠致雙魚之素感藏甚厚報答莫宜恭惟某官千里名

駒

劉德傳武帝謂之千里駒師古曰言駿馬可致千里年齒幼少故謂之駒詳見前

九苞威鳳

論摘袁聖曰鳳有六像九苞漢書地節二年鳳集魯詔曰威鳳為寶唐太宗鳳賦有一威鳳翽翽朝陽詳見前

榮分符竹行吟種柳之詩

柳詩柳州柳刺史種柳柳江邊詳見前

少侯成

瓜即布甘棠之化有華下問遠及陳人某翫麟雲司

張祐

寄刑部鄭侍郎詩寄掩白雲司蜀都高卧時

超騰水部

見前

曳鄭崇之履小立

斯須

杜詩且為王孫立斯須東坡詩長當從此別且復立斯須

挂弘景之冠止慙遲

暮

見前

代回孟嚴州

導○嚴州秦為鄭會稽兩郡之境漢以隸吳都及丹陽郡建安十三年分

丹陽郡之歙縣立始新新定等縣置新都郡晉改郡曰新安而縣改新定曰遂安隋割杭之桐廬立遂安縣置睦州大業中改睦州為遂安郡唐復為睦州而析桐廬為嚴州乾元復為睦州宋政和間陞為建德軍節度方臘平改軍曰遂安軍州曰嚴州咸淳元年以潛邸陞為建德府

分竹近畿及瓜代戍舉頭見日治行易於上聞

晉書明帝紀舉

目見日不見長安韓詩舉頭看白日魏相傳朝廷已深知弱翁治行

運斤成風德澤亟其

下究

莊子匠石運斤成風

恭惟某官抱負甚偉

韓文抱負其業東歸于家

教歷

采詳恪守三尺法之平以長王國

杜周傳不循三尺法注以三尺竹簡書法

律也尚書太史司寇蘇公
式敬爾由獄以長我王國
忽請二千石之祿而課民庸

維今嚴陵

嚴陵山在桐廬縣西即富春縣晉避鄭太后諱改富陽按嚴光傳耕于富春山圖經不載

此山但云今名嚴陵山者是其所耕處却載嚴光富陽人耕于富春山沈約宋書吳時分富春之地置桐廬縣

則嚴陵即所耕
富春山無疑矣

視古馮翊

見前

范文正之風流未泯

范文正公

以論廢郭后出知睦州有詩云瀟灑桐廬
郡烏龍山霽中使君無一事心共白雲空

趙清獻之規

範具存

趙清獻公嘉祐中為殿院求郡得睦州州歲為杭州市羊公移文却之又民有茶稅而無茶地

奏蠲之民
懷其德

舉而措之

繫辭舉而措之天下之民謂之事業

斯亦奇矣某縻

於聽履

杜詩聽履上星辰

闕若盍簪

易由豫大有得勿疑朋盍簪

去騎之逐

雙旌賀成已後

韓詩旦夕公歸仲拜謝免勞去騎逐雙旌

烹魚而有尺素先

施甚慚

施去聲

代回李崇慶

壘○崇慶府即今成都府崇慶州在府南二百二十里漢為蜀郡之江原

縣地晉因之李雄據蜀置漢原郡晉穆帝改晉原縣屬益州南齊改晉康郡西魏省郡入犍為郡隋置晉原縣屬益州唐置蜀州天寶初改唐安郡乾元初復為蜀州宋以高宗潛邸陞崇慶軍節度紹興陞府

優詔起家分符予郡蜀更多故有愁恨歎息之民公勉

一行真賢明慈惠之帥雙旌戾止五袴驩然

並見前

恭惟

某官德履直方器資凝遠夕長蛇朝猛虎去而違之

蜀道

難所守或匪親化為狼與
豺朝避猛虎夕避長蛇

乘赤豹從文狸潔其清矣

屈原

九歌乘赤豹兮從文狸辛夷車兮結
桂旗法言楚兩龔之潔其清矣乎

未走三節

禮記凡
君召以

三節二節以
走一節以趨

聊把一麾導玻璃萬頃之江委諸汶井

尚書

岷山導江玻璃江在驤頤山下即岷江也源出岷山瑩
若玻璃因名一名驤頤津即唐田令使沉孟昭圖處陸
務觀詩玻璃江上柳如絲又岷江俗名汶江經茂州城
下西南至威州又過汶川轉而東南至灌縣過金馬口
至新津縣與皐江水合雪花井在茂州駐峨眉半輪之
治西脈通汶江泉水湧瀆如雪花因名

月照此唐安

李詩峨眉山下半輪秋崇慶府
唐天寶初改唐安郡詳見題下

田里得以

底寧公卿選諸所表

見前

某游從已舊俯仰成陳

王逸少蘭亭修

楔序向之所欣俛仰之間以
為陳迹猶不能不以之興懷

斂大惠於一州徒得君重

賜細書於方國無以公歸

竝見前

代回洪臨安

仅○臨安秦屬會稽郡漢因之東漢
分浙西為吳郡陳立錢唐郡隋平陳

置杭州唐改餘杭郡宋改為寧海軍分浙東西
兩路陞為帥府南渡建都陞杭州為臨安府

敬爾由獄慙貳職之亡庸

尚書式敬爾由
獄以長我王國

咨汝共工遽

叨恩而率屬

尚書咨垂
汝共工

高情下問外覲內慙恭惟某官

德履粹明政聲充實傳家萬卷洞先秦古史之書出守

一麾續兩漢循吏之傳排閭風而直上

雜騷經登閭風而縹馬葛仙公

傳曰崑崙山一曰玄圃臺一曰積石瑤房一曰閭風臺一曰華蓋一曰天柱皆仙人所居淮南子崑崙山去地萬一千里上有層城九重或上倍之是謂閭風或下倍之是為縣圃十州記崑崙山有三角一角正北名閭風嶺一角正西名玄圃臺一角正東名崑崙宮王母居焉列仙傳西王母所居崑崙之圃閭風之苑有五城三十里樓十二左帶瑤池右環翠水楊炯賦崑崙閭西北之天門也李德裕賦崑崙天岑峻極秋明

歷吉日

兮將行

離騷經靈氛既告余以吉占兮歷吉日乎吾將行歷徧歷而選之也

猶貽雙魚之

絨見華五雉之正某強顏曳履有味投簪

並見前

輪人為

輪愧罔功於鳩倂

考工記輪人為輪斬三材必以其時三材既具巧者和之

相門有

相願崇德而象賢

孟嘗君傳將門必有將相門必有相尚書惟稽古崇德象賢

代回晁南康

自談

參華陳臬玩歲亡庸

尚書汝陳時臬事臬倪結切法也左傳翫歲而愒日

率屬共

工自天有命

詩有命自天命此文王

遂勤五馬特枉雙魚恭惟某

官當世淳儒

賈山傳涉獵書記不能為醇儒敘傳抑抑仲舒為世純儒鄭玄傳經傳洽熟稱為醇

儒新唐書賈杜令狐傳贊貶估楚皆淳儒大衣高冠雍容廟堂道古今處成務可也

為時循吏得

州如斗少低刺史之天

趙嘏詩尋花偶坐將軍樹飲水方重刺史天東坡詩一見刺史

天導渚有星佇應郎官之宿

詩鴻飛遵渚明帝紀郎官上應列宿

交章已

久趣觀不遐某自覺龍鍾寧堪鳩僦司納言之喉舌深

愧濫巾借餘論於齒牙早期納履

並見前

代回興國楊知軍

迪○興國軍即今武昌府興國州詳見前

抗章引外得請專城

見前

六館諸生方有範模之地

韓文太學

六館之士法言師者人之模範也

長江千里可無保障之人伏惟某官

能賦摩空

李賀詩殿前作賦聲摩空

明經飭吏

循吏傳序以經術潤飾吏事

頃者

一同之政藹然三異之稱

並見前

鴻羽來儀

易鴻漸于陸其羽可用為

儀吉尚書

鴈行增重

孟郊詩駕行參綺陌

四方之供簿正兆豈足

行九里之潤京師賢然後用闔閭故壘

春秋定公四年吳入郢史記吳

王闔閭伐楚五戰楚五敗昭王亡出吳兵遂入郢武昌劉宋兼置郢州闔閭山在興國州南九十里世傳伍子胥屯兵於此彭蠡上游彭蠡即鄱陽湖在饒州項籍傳今有闔閭城必居上游注居水之上流也

累年無露積之藏

積子智切聚也儲蓄也左傳居則有一日之積杜注芻米菜薪漢書食貨

志太倉之粟陳陳相因充溢露積於外腐敗不可食

數處有風寒之護

干寶晉紀蜀使紀陟

如魏晉文王問吳之戍備幾何陟對曰疆界雖遠而險要必爭之地不過數四猶人雖有八尺之軀靡不受害其護風寒亦數處耳宋曾極詩兵戈歲歲涉江干將帥誅求盡少寬未得三軍如挾纊憑誰數處護風寒詳見前

上為民計中遣公來能安田里之數愁必記御屏之

姓字集濫茲作牧政爾為僚

竝見前

屬州得陽公之賢亦

云幸矣

韓文道之守陽公賢也道於湖南為屬州湖南楊公又賢也

便道因滕閣而

至為我賦之

韓文以言事斥守揭陽便道取捷以至海上又不得過南昌而觀所謂滕王閣者太

原王公觀察江南西道與監軍使燕於此閣文武賓士皆與在席合辭言曰此屋不修且壞公應曰諾工既訖以書命愈曰子其為我記之愈既以未得造觀為歎竊喜載名其上乃不辭而承公命其江山之好登望之樂雖老矣如獲從公游尚能為公賦之

代回陳安慶

貴謙○安慶已見

望郎引外不孤銅虎之分

元微之行韋審規父漸制嘉乃令子為吾望郎李義山詩

望郎臨古郡東坡

倦客得還只動尊鱸之想

見前

未遑注

記揚雄傳因江潭而注記

遽辱鳴謙恭惟某官與學淵

回

陸機漢高祖功臣贊大略淵回元功響效

清標山峙氣沮金石豈徒黃絹

之好辭

韓文正聲諧韶濩勁氣沮金石餘見前

世掌絲綸宜得青瑣之舊

物

杜詩欲知世掌絲綸美池上于今有鳳毛餘見前

亦既累年於東觀

洛陽宮殿名南

宮有東觀漢氏圖籍所在和帝紀永元十三年帝幸東

觀覽書林閱篇籍博選藝術之士以充其官注陸機洛

陽記東觀在南宮高闕

非惟百日於南宮

唐職林舊說禮部郎中掌

十二間介于承鳳觀

省中文翰謂之南宮舍人春明朝退錄云百日内須乃知制誥故王元之與宋給事中詩須知百日掌絲綸

懷棠棣之碑

唐賈敦頤為洛州刺史百姓共立碑及弟敦實為長史復刻石頌美於兄碑之側時

人號為棠棣碑

徑賦桐鄉之政

朱邑傳少時為桐鄉嗇夫廉平不苛所部吏民愛敬焉病且死

囑其子曰我故為桐鄉吏其民愛我必葬我桐鄉後世子孫奉嘗我不如桐鄉民王介甫封舒國公詩桐鄉山遠復川長紫翠連城碧滿隍今日桐鄉誰愛我當時我自愛桐鄉詩賦政于外四方爰發

朱光嘗為

皖守非此地耶

皖山在懷寧西十里皖伯始封之地三國時曹操遣朱元光屯皖大開稻田吳

呂蒙上言皖地肥美若一收熟彼眾必增宜早除之乃征皖破之今吳塘陂即朱元光所開也

汲黯不

薄淮陽今名君矣某久荒三逕又長十連

並見前

望吳會

於雲間恨無飛羽

王勃滕王閣詩序望長安於日下指吳會於雲間

借潁川之

河潤但切馳心

見前

代回羅建昌

勳○建昌已見

陳情便養

養去聲

疏寵改麾顯升二千石之真龍光有渥

詩為龍為光

榮遂九十親之侍燕喜尤多

詩魯侯燕喜令妻壽母

恭惟

某官左學英游

杜氏通典殷制太學為右學小學為左學又曰瞽宗枚乘傳乘久為大國上賓

與英俊並游得其所好

西樞貴介

宋熙寧三年詔國家以西樞內輔翊贊本兵任為重矣左傳王

子圍寡君之貴介弟也

抱持醇固言行擇乎中庸敬歷詳深名實

孚於上下輒從李寺

項氏曰管子書大理皆作李古人理與李通

出綰竹符

建牙密邇於故鄉畜眼雄誇於新尹

杜詩酒酣誇新尹畜眼未見有

報

政紅泉之澗

紅泉澗在撫州詳見前

徙藩白石之汀

曾子固送南城尉羅君詩

麻姑之路摩青天蒼苔白石松風寒

側聞盱江

列子吾側聞之試以告女盱江詳見前

舊隸

撫境

建昌漢為豫章郡之南城隋罷郡置撫州治臨川縣而南

城屬

不離梓里

勳撫州宗仁人端明殿學士羅點之弟

洊奉板輿

潘岳閒居賦太

夫人乃御板輿升輕軒

豈惟有刺史之榮

韓文有刺史之榮而無其難為者

蓋亦

全天下之樂第虞選表

循吏傳序選諸所表詳見前

却合處中

漢書車千

秋傳贊當軸處中

某幸甚為寮愛焉莫助問專城之五馬方欲

修書

陳後山詩似聽兒童迎五馬稍修書札問專城

得尺素於雙魚惟深抱愧

見前

代回林安慶

仲虎○安慶已見

簪筆何功蒙誤恩之起廢函牋甚寵辱妙語之噓枯藏

弄為榮不知所謝

竝見前

恭惟某官心期到古

世說向玄季柳立身

方雅與袁太尉淑徐司空湛之顏揚州峻友善後揚州貴勢當朝玄季猶以素情自處范伯玉璩戒之曰名位不同禮有異數卿何得作曩時意邪玄季曰我與士遜心期久矣豈可以一旦勢利處之任彥昇詩中道遇心期王荊公詩心期自與衆人殊山谷詩心期誠不淺又少日心期轉謬悠又心期曉月秋霜互見前後

膽

略過人一從右學以策名

見上條

三綰左符而出守竊窺

近奏具見遠圖應憐老驥之服輿根塵猶在

晉拂舞歌老驥伏櫪

志在千里耳眼鼻舌身意為六根色聲香味觸法為六塵東坡詩聰明不在根塵裏又固知根塵在未免病藥

俱故因飛鴻之送目書問先之

嵇康詩目送歸鴻手揮五絃俯仰自得遊心太

玄某髮白奚為腰黃弗稱見此古壘洗當韞櫝以儲藏

山谷詩碌碌盆盎中見此古壘洗

報之英瓊瑤魄探囊之羞澀

莊子探囊發匱

杜詩囊空恐羞澀留得一錢看餘見前

代回常台州

建○台州春秋屬越秦屬閩中漢屬東甌國後為台縣吳分治縣為東南

二郡都尉東部臨海南部建安後以會稽東郡為
臨海郡梁改為赤城郡隋屬永嘉郡唐改為台州
宋因之真誥天台山上應
台星故曰天台州以此名

斜日投閒冒誤恩而入侍朶雲借潤儷好語以相先有
味其言莫知所謝

竝見前

恭惟某官早飛雋軌寢踐夷塗

忽持江海之一麾出領湖山之千里

韓文令修於戶庭數日之間而人自

得於湖山

丹丘安堵

孫興公天台山賦仍羽人於丹丘尋不死之福庭漢高帝紀吏民皆

安堵如故注言不遷動也堵音

畫戟凝香行有詔追即

歸禁近某髮既種種

見前

心已休休

莊子聖人休休焉則平易矣平易則恬淡

矣新唐書司空圖傳名亭曰休休作文以見志曰休美也既休而美具故量才一宜休揣分二宜休耄而賸三宜休

咫尺不違顏雖少光於末路

見前

八十猶行脚祇見笑

於大方

莊子吾長見笑於大方之家

代回陳撫州

蕃孫○撫州已見

別畫戟之凝香倏焉兩月

見前

讀烏絲之妙語燦若五雲

國史補宋毫間紙有織成界道謂之烏絲欄東坡與錢至仲尺牘烏絲當用寫道經一篇惡詩不足錄也山谷詩正圓紅袖寫烏絲詳別見

未能先施良多不敏

左傳敢告不敏又謝不敏焉

恭

惟某官粹資玉立

桓溫表抗節玉立白氏長慶集玉立不倚金和有聲崔嘏行裴諗制風儀

王利器字川停杜詩
趙公玉立高歌起

厚德春溫來臨父母之邦居多宣

弟之政

詩既見君子孔燕豈弟注豈樂弟易也遠方之君既朝見君子為君子所接遇故皆甚安而情

又喜樂以
怡易也

民胥慶矣皆願受一廛而為氓我儀圖之又

私喜同年之有後

東坡答劉沔都漕書文章如金玉珠貝未易鄙棄見足下詞學如此又喜

吾同年兄龍圖
公之有後也

比因造朝之役過垂下榻之情

趙彥衛雲麓漫

抄云後漢書徐穉傳陳蕃為豫章太守請為功曹蕃在郡不接賓客惟穉來特設一榻去則縣之及陳蕃傳不書此事却云蕃為樂安太守郡人周瑒高潔之士前後郡守招命莫肯至惟蕃能致焉特為置一榻去則收之蓋陳蕃能尊禮賢士在豫章則下徐穉之榻在樂安則下周瑒之榻范史不能發明之耳

曾謝幅之

未遑已慶賤之先及某去天雖近來日無多騎馬聽雞

聊續邯鄲之夢

宋彭乘墨客揮犀云歐陽公在政府將引去先一詩寄頽陰隱士常秩云笑殺

汝陰常處士十年騎馬聽朝雞及公致仕還頽有詩贈秩曰賴有東隣常處士披蓑戴笠伴春鋤後秩以王介甫薦判國子監有無名子改前詩云昔日頽陰常處士却來馬上聽朝雞枕中記開元中有呂翁經邯鄲有盧生同邸主人方蒸黃梁盧具言處世困厄翁取囊中枕以授之曰枕此當榮適如願盧適枕未幾登第出入將相五十年榮盛無比忽寤呂翁在旁黃梁尚未熟唐詩馬上續殘夢山谷詩生涯谷口耕世事邯鄲夢

踞

龜食蛤終尋汗漫之期

淮南子盧敖游于大海至蒙谷之上見一士卷龜殼而食蛤蜊

教曰夫子可與敖為友矣士笑曰我方南游乎罔罟之野北息乎沈默之鄉西窮冥冥之里東貫鴻濛之光吾

與子汗漫游于九垓之儻未疾驅尚容嗣見
上乃舉臂聳身入雲中

代回孫衢州

洵○衢
州已見

鄉里有賢者久矣傾心出入相避然失於交臂

韓文解
手背面

遂十一年君出我入如相避然莊子吾
終身與汝交一臂而失之可不哀與

鼎來手筆益重

背芒

鼎益
卦名

恭惟某官抱負不凡

韓文抱負其
業東歸于家

踐揚茲久

甫安朝蹟豈少民庸屬錢楮之重輕

並見
前

生問閭之愁

歎衢故太末也今實輔藩

衢州秦屬會稽為太末縣昌
黎徐偃王廟碑衢州故會稽

太末

君薄淮陽耶即歸禁閨

見
前

日扁舟之東上

王昌齡
詩武陵

谿口住扁舟高駢詩江海
一篇舟歐詩散髮棹扁舟
時千騎之西來所至賈胡援馬

傳伏波類西域賈胡到一處輒止注
言似商胡所至之處輒停留此借用
以俟明府孫寶傳明府素

著威名或恐銅駝陌上會相見故徑下嚴陵之灘
晉懷帝紀步出

西掖門至銅駝街載記咸寧二年石季龍使牙將張彌
徙洛陽銅駝于鄴索靖傳靖有先識遠量知天下將亂
指洛陽宮門銅駝數曰會見汝在荆棘中耳陳書徐陵
傳盧龍之徑于彼新開銅駝之街於我長閑陸機洛陽
記洛陽有銅駝街漢鑄銅駝二枚在宮南四會道相對
俚語云金馬門外聚羣賢銅駝陌上集少年顏師古曰
亦云銅駝街在洛陽西京無也華延雋洛陽記兩銅駝
在宮之南街東西相向高九尺洛陽謂之銅駝陌劉夢
得詩籍通金馬門身在銅駝陌柳子厚詩玉漏天門靜
銅駝御路荒東坡詩銅駝陌上會相見握手一笑三千

年嚴陵瀨即七里灘在桐廬縣西即子陵垂釣處諺云有風七里無風七十里謝靈運詩目睹嚴子瀨想屬任公豈料金鯽池邊不見君遂直過定山之路

金鯽池在杭州西北

九里山澗水清有金銀魚東坡志林云舊讀杜子美六和寺詩云松橋待金鯽竟日獨遲留初不喻此語及倅錢塘乃知寺後池中有此魚如金色昨日復游池上投餅餌久之乃略出不食復入不可復見自子美作詩至今四百餘年已有遲留之語則此魚自珍貴蓋久矣苟非難進易退而不妄食安得如此壽耶定山在杭州西南四十里突出浙江中數百丈潮至此輒抑聲過此則雷吼霆怒東坡往富陽李節推先行留風水洞見待詩春山磔磔鳴春禽此間不可無我吟路長漫漫傍江浦此間不可無君語金鯽池邊不見君追君直過定山村路人皆言君未遠騎馬少年清且婉風巖水穴舊聞名只隔山溪夜不見溪橋曉溜浮梅萼知馬繫馬巖花落

出城三日尚逶遲妻孥怪罵歸何時
世上小兒誇疾走如君相待今安有
荷長鬚之垂問韓詩

一奴長鬚不裹頭又搔短髮以懷慚
更遣長鬚致雙鯉詩搔首踟躕左傳

詩羞將短髮還吹帽又白某不安田廬
頭搔更短渾欲不勝簪東坡詩居貧豈無食不自安田

畝又趣殿陛以年亦當廢矣難借吹噓
晉考武帝紀時張貴人有寵年

幾三十帝戲之曰汝以年當廢矣
昌月予還歸哉恐勤將送詩懷哉懷哉昌月予

哉還歸

代回魏太守欽緒

別去仞牆倏焉兩月有來尺素爛若五雲
前見既媿先施

又慙厚報恭惟某官棲遲盛福

詩衡門之下可以棲遲

邂逅初心

韓詩蕭條捐永事邂逅得初心

厭簪筆於承明

嚴助傳厭承明之廬

久挂冠於神

武顧恐踞鞍之矍鑠

見前

猶堪奮袖以低昂

楊惲傳拂衣而喜奮襃低

昂注褒古袖字

盍歸乎來何見之晚某不安西崦

崦衣檢切山海經鳥鼠同

穴西南曰崦嵫通作弇爾雅觚竹北戶西王母日下謂之四荒注疏引穆天子傳天子賓于西王母乃紀其述于弇山名曰西

王母之山是也

又踏東華

後漢隋俱有東華西華門梁有東西中華門

惟有

當歸已決焉於去計

吳志曹公問太史慈遺書一篋發看無所道但貯當歸魏氏春秋同

異姜維得母書并當歸維曰良田百頃不在一畝但有遠志不見當歸其背義徇利如此崔豹古今注牛亨問

曰將離別相贈以芍藥者何答曰芍藥一名可離故將別以贈之亦猶相招名贈之以文無文無亦名當歸也入為遠志徒仰止於高風

世說謝太傅始有東山之志復命掾屬不獲已始就桓公

司馬時人有致桓公藥草者中有遠志公取以問謝此藥又名小草何以物有二稱謝未即答時郝隆在坐謝因曰郝參軍多知識試復通看郝應聲曰答此甚易解處入則為遠志出則為小草謝公殊有慙色桓目謝而笑曰郝參軍此乃不惡亦甚有會按本草遠志一名棘宛一名要繞葉名小草然則所謂出入者蓋指根葉而言非漫為譏而已詩高山仰止

代回建昌傅侍郎

伯成○建昌已見宋史傅伯成傳拜左諫議大夫抗疏十有三

皆軍國大義或致史彌遠意欲使有所彈劾將引以共政謝之曰吾豈傾人以為利哉疏引詔大臣

以公減私左遷權吏部侍郎
以集英殿修撰知建昌府

諫大夫之去國誰解引裾

戴氏鼠璞云世以去朝廷為去國蓋本孔子去父母國語

然今非春秋之世適於他邦可言去國天下一家不在朝廷則在家林莫非王土何去國之有魏志辛毗傳文帝欲徙冀州士家十萬戶實河南毗諫帝不答起入內毗隨而引其裾帝遂奮衣不還良久乃出曰佐治卿持我何太急耶杜詩牽裾驚魏帝投閣為劉歆賢刺史之還鄉真成衣錦項籍傳富

貴不歸故鄉既幸邂逅適我願矣猶恨出入如相避然如衣錦夜行

竝見前恭惟某官性稟直方氣全剛大難進易退溫溫維

德之基

禮記其難進而易退也粥粥若無能也詩溫溫恭人維德之基遇事直前蹇蹇

匪躬之故

易王臣蹇蹇匪躬之故
注執心不回志臣王室

方此告嘉猷於后蓋

將下膏澤于民無三諫之不從

禮記為人臣之禮不顯
諫三諫而不聽則逃之

子之事親也三諫而不聽則號泣而隨之

遽一麾而出守

宋史傅伯成傳拜
諫議大夫抗疏十

有三皆軍國大議或致史彌遠意欲使有所彈劾將引
以共政謝之曰吾豈傾人以為利哉疏乞詔大臣以公
減私左遷權吏部侍郎以

拾遺補過寧忘汲黯之忠

汲黯

集英殿修撰知建昌府
傳出禁闥補過

納誨輔台行聽商宗之命

尚書朝夕
納誨以輔

德某不安西崦又踏東華

見前

戴惠文之冠身其餘幾

張敞

傳以柱後惠文彈治之爾惠一作螭蟬也冠細
如蟬翅今御史冠左傳畏首畏尾身其餘幾

挂神武

之服秋以為期

詩將子無怒秋以為期

代回呂常德

昭遠○常德已見

歌滄浪之水猶記獨清

滄浪水在龍陽縣二十里浪水與滄水合故號滄浪乃漁父濯

纓之處屈原漁父篇天下皆濁我獨清

望赤城之雲忽分五朶

赤城山在台州縣北

六里一名燒山其上石壁皆如霞色望之如堆垛孫綽遊天台山賦赤城霞起以建標章陟傳自謂所書陟字若五朶雲時人慕之號郇公五雲體

恭承嘉惠

見前

益仞故情

東坡集仰仞至情益堅素

守

恭惟某官早策名躔盍躋膺仕瑚璉清廟之器寧久

在山

禮記夏后氏之四璉殷之六瑚注皆黍稷器

杞梓明堂之材誰將作室

游仙夢斷公定憶秦人之桃

劉商桃源詩桃花流出武陵洞夢想仙家雲樹春今

看水入洞中去却是桃源洞裏人詳見前

吊古愁多我亦念靈均之蕙

離騷經名

余曰靈均兮字余曰正則又雜申椒與菌桂兮豈惟紉夫蕙茝

有華妙語肯寄舊交某

蹇步蹢躅

見前

斜陽寂歷

李詩旅情初結切秋風方寂歷歐詩樹老無花春寂歷

續

東華之夢又聽朝雞

東坡詩馬上續殘夢六一居士詩笑殺汝陰常處士十年騎馬聽朝

雞詳前陳撫州條

讀北山之移只慚夜鶴

北山移文蕙帳空兮夜鶴怨

挂冠

有日

見前

望履無階

莊子願望履幕下注言視不敢望面望履結而還也

代黃漕

尊

回趙婺州

善下口婺州章牛婺女之分野即漢會稽之烏傷縣吳分

會稽置東陽郡在金華山之陽穀水之東因名東陽梁置金華郡隋置婺州

宗郎賢勞

郎典禮切說文屬國舍徐曰諸侯來朝所舍曰郎有根抵也根本所在也師古曰漢制郡

國朝宿之舍在京師者率名郎郎至也言所歸至也宣元六王傳上謂其王曰爾長留待我矣因留國郎朝夕侍上旬侯均佚抑詩繼酬天祿署俱尉旬侯家六一居赫士集賜韓琦詔方均逸豫適此外虞

奕廉車之重

裴子野賦赫奕焜煌郡紱之光

焜戶衮切說文煌也

增韻焜煌光也或作輝封禪書燠炳輝煌又公渾切服虔曰明也煌胡光切說文輝也

既合虎符

足凝燕寢

見前

恭惟某官直溫而寬栗

尚書直而溫寬而栗

明允而

篤誠

左傳昔高陽氏有才子八人齊聖廣淵明允篤誠天下之民謂之八愷

早入對乎三

雍近於大雅

河間獻王傳武帝時獻王來朝獻雅樂對三雍之宮贊曰夫唯大雅卓爾不羣河間

獻王近之矣注三雍靈臺辟雍明堂也雍和也言天地君臣人民皆和也藝文志儒家河間獻王對上下三雍

宮之

晚更條於七略博以羣書

藝文志成帝時詔光祿大夫劉向校經傳諸子

詩賦向輒條其篇目撮其指意錄而奏之向卒哀帝復使向子歆卒父業歆於是總羣書而奏其七略詳見前司馬遷傳自劉向兼左右之戚賢

文帝詔右賢左戚先民後已至明之極也

師古曰以賢為上然後反親也

字上下之名實糾合同盟而肅若

左傳載在

盟府太師職之桓公是以糾合諸侯而謀其不協詳見前

欲分陝服而主之

陝音閃說文弘

農陝也從自夾聲夫從二入與臨陝字不同陝从自从夾从二入集韻州名周召所分之地公羊傳自陝而

東者周公主之自陝而西者召公主之

適咨牧於金華

尚書咨十有二牧玉臺新詠序云金

星與婺女爭華故曰金華

爰取材於玉葉

左傳公族公室之枝葉也故天族謂之玉葉慕容超

傳天族多奇玉林皆寶

高牙大纛迄隆屏翰之雄

歐陽公畫錦堂記高牙大纛不

足為公榮

今袴昔襦諒借京師之潤某驅馳其職

詩載馳載驅飛

輓何功

漢書秦欲攻匈奴使天下飛芻輓粟起於黃陞琅邪至負海之郡轉輸河北

轉數十

萬給中都實日虞於司敗

漢書高帝時漕山東之粟給中都之官不過數十萬石左

傳自拘於司敗

良二十石有治理是天幸以蒙成

霍去病傳軍亦有天幸薛

宣傳馮翊垂拱蒙成餘見前

代回趙南安

師傳○南安已見

合符桂海之北

選詩大軫通桂海

易鎮梅關之南

梅關在大庾嶺頭以分江

廣之地章穎詩西州南北
護梅關永日人行石壁間

以忠肅恭懿之材

左傳高辛氏有才子

八人忠肅共懿宣慈惠
和天下之民謂之八元

慰愁恨歎息之俗

循吏傳庶民所以安其田

里而忘歎息愁恨之
心者政平訟理也

銅魚既合

隋書開皇七年制京官五品以上佩銅魚符唐

書武德元年改銀莧符為銅魚符車服志銅魚符以起
軍旅易守長畿內則左三右一畿外則左五右一左者

進內右者在外用
始第一周而復始

竹馬交驩恭惟某官夙派天潢

漢書天文

志王梁荀有八星絕漢曰天橫橫史記作潢魏王固表
疏派天潢崔廓答豫章王啓稟潤天潢承輝日觀梁何

遜詩仙車駐七襄鳳駕出天潢
張衡思玄賦乘天潢之汎汎兮
早梯月窟杜詩青雲不可梯張說詩

月窟窮天遠河源入塞清宣室志太和中有周生有道
街中秋夜與客會月色方瑩謂坐客曰我能梯雲取之

置之懷襟因取箸數百修繩而祭之曰我梯此取月
俄以手舉衣懷中出月寸許光色照爛寒氣入肌骨製

尹何之錦愈出愈奇左傳子皮欲以尹何為邑子產曰子有美錦不使人學製焉詳見前

題仲舉之輿再進再勇孟郊詩再接再礪乃遂厭飛鳶之影馬援傳仰

視飛鳶點點點移祭鯉之文昌黎有祭鯉魚文謂即入於直廬金

遺事太祖鼎新大猶于蕃於橫浦唐地理志橫浦在大庾縣西史記尉佗傳

壯敞金馬之直廬移檄告橫浦陽山湟谿關索隱曰案南康記云南野大庾嶺三十里至橫浦有秦時關其下謂為塞上南康記

昔漢將軍揚僕討呂喜
出章郡下橫浦即此

陽和有脚姑行大庾之春

大庾在大

庾縣西南二十里吳錄南野縣有大庾山自嶺
嶠九磴二里至嶺下七里平行十里至平亭

咫尺違

顏即近長安之日某繆塵班綴例辱緘滕逢驛使一枝

之來喜承見寄跂織女七襄之報愧不成章

茲見前

代回洪筠州

楠○筠州即今瑞州府沿革見前

解龜庸蜀

謝靈運詩牽絲及元興解龜在景平杜詩解龜踰卧轍尚書庸蜀羌髻微盧彭濮人

分

虎勾吳

史記吳太伯世家太伯之奔荆蠻自號勾吳索隱曰荆者楚之舊號以州而言之曰荆蠻者閩

也南夷之名亦稱越此言自號勾吳吳名起於太伯明以前未有吳號地在楚越之界故稱荆蠻顏師古曰以

吳言句者夷之發聲猶言於越耳

惟筠為州號西江之道院

山谷有記詳見前

與鄱接壤得北道之主人

取奔傳光武指奔曰是我北道主人也詳見前

民起

來暮之歌公有衣畫之寵

洪蓋鄱人

恭惟某官流芳名閥騰

茂通材鳴單父之琴全牛自解入河陽之幕凡馬皆空

竝見前

方夢翼以朝天

陶侃傳夢生八翼飛而上天詳見前

遽捫參而歷井

蜀道難捫參歷井仰脅息詳見前翼參宿名

惟良作牧所去見思

見前

乃若高

安之城

筠州宋紹興間賜名高安郡

亦出錦江之水

瑞州蜀江源出袁州萬載縣龍

門渡流至上高縣凌江合新昌縣滕江歷郡城而東匯於南昌之象潭而入章江世傳許真君為蜀旌陽令有

奇術晉末人皆疫癘多詣真君請救真君與器水投於上流疾者飲之無不愈邑人以所投器水即蜀濯錦江之水故名蜀舉頭見日知漸近之使然孟嘉傳桓溫問嘉聽伎絲不如江亦曰錦水

竹竹不如肉何也嘉答曰

有脚陽春計無遠之弗屈

尚書

惟德動天無遠弗届

某重游碧落

杜詩碧落真難陟詳見前

轉覺黃昏

淮南子日薄於

虞泉是謂黃昏淪於蒙谷是謂定昏杜詩獨留青冢向黃昏東坡詩不堪細雨濕黃昏又半掩落日先黃昏王

荆公詩嶺雲分暝與黃昏

十部從事之來敢無酬於記室

劉弘傳弘每有興廢

手書守相叮寧款密所以人皆感悅爭赴之咸曰得劉公一紙書賢於十部從事後漢書百官志太尉有記室令史主上章表報書詔晉書何曾三公刺史之入願益

傳人以小紙為書者勅記室勿報

三公刺史之入願益

大於相門

杜氏通典後漢重刺史之任或自郡守入為三公虞延第五倫桓虞鮑昱是也孟嘗君傳

將門必有將相門必有相杜詩相門清議衆呂不韋傳見子楚說曰吾能大子之門子楚笑曰且自大君之門而乃大吾門呂不韋曰子不知也吾門待子門而大洪蓋忠宣之裔

代回章象州

時言○象州已見

榮紆郡組

漢百官公卿表太守品第五秩二千石銀章青綬

誕布詔條象郡

自秦既入中國之籍

史記南越尉佗傳秦時已并天下略定楊越置桂林南海象郡

符分漢是資循吏之功雙旌鼎來五袴咸喜

鼎成卦名恭惟

某官人門具美風調不羣惟服襲於典刑故飛騰於聲

實屢製尹何之錦技敏奏刀載題仲舉之興歌騰別乘

宜森畫戟出擁朱轡跼跼飛鳶公蔑鄙夷之意並見前嗷

嗷鳴鴈民有安集之期詩鴻鴈于飛哀鳴哲哲維此哲人謂我劬勞餘見前某例

入吳牋備知謙德吳謙卦名龔遂良二千石必能致渤海之

安見前申公年七十餘聊復議明堂而去儒林傳申公魯人也御史大夫

臧綰請立明堂以朝諸侯不能就其事乃言師申公申公時已八十餘老至以為大中大夫舍魯邸議明堂事

病免歸

代衛參政回興國葉知軍興國已見

榮分漢竹

杜詩幾分漢庭竹

言憩名棠二千石之起家上恩甚

寵十萬戶之蒙福民望已深

並見前

恭惟某官文獻名家

典刑勝士

羊祐傳賢達勝士陳後山詩江西勝士與長吟

盤旋州縣既不歎於

徒勞

韓文隱者之所盤旋

容與班行亦自安於平進

子虛賦翱翔容與郭璞曰

言自得也河東賦周流容與師古曰容暇而安豫也與請曰豫韓詩班行再肅穆又強顏班行內晉書庾亮傳皆非姻族各以平進南史王騫傳謂諸子曰吾家本素族自可依流平進不須苟求蔡興宗傳吾素門平進與主上甚疎新唐書選舉志朋比貴勢妨平進之路詳見前

妻其在疚

詩妻其以風注妻寒風也杜詩

白首颯淒其詩閔予小子遭家不造嫠嫠在疚注疚病也遭武王崩家道未成嫠嫠然孤特在憂病之中

甫

此御祥

禮記期而小祥又期而大祥

適擇牧於山城

韓翃詩山城無處不飛花

爰

借材於家食

易不家食吉注有大畜之實以養賢令賢者不家食乃吉也

川名曰富

興國軍隋名富川以富池湖得名汪彥章詩路入麇麇亭子崩江圍蒲稗富川城

人實多貧荒

政十二聚萬民正煩料理

周禮以荒政十二聚萬民詳見前料力弔切增韻計也理

也王徽之傳卿在府日久比當相料理

長江千里護數處庶免流離

詩瑣兮尾

兮流離之

某濫守帥藩幸同寮察察鄰國之政寧敢自

私安刺史之民更期忠告

代回薛吉州

廖

杜陵老大久便白木之鏡

杜詩杜陵有布衣老大意轉拙又長鏡長鏡白木柄我生

託子以為命注鏡鉤銜切吳人云犁鐵說文銳也顏之推訓俗音字鏡仕初切即銳也俗謂之地鏡又仕鑒切

便平聲

漢殿論思又綴紫荷之橐

見前

此皆左右先為容也

鄒陽傳以左右先為之容也注客謂雕刻加飾

所恨出入如相避然

韓文君出我入如相

避然

恭惟某官名閥甚華歷仕皆臚

詩瑣瑣姻婭則無臚仕

自分郢

城之月

郢州漢江夏郡零社縣之地魏立郢州分月言為別駕

即行閩嶺之春

杜氏

通典漢景帝中元二年更名郡守為太守常以春行所主縣謝承後漢書鄭弘為臨淮太守行春白鹿方道夾載而行閩山在今福州亦名烏石山行春言為郡守

聲實交流班聯孔邇又森畫

戟出訪青原

青原山在廬陵縣王庭珪詩異時黃魯直曾賦青原詩今日青原山名與星斗垂

連檣一萬艘不廢撫摩之政

東坡送江公著知吉州詩白紵連檣一萬艘紅粧執

樂三

千指起家二千石會有華要之除某見謂衰遲過勤比

數

司馬遷傳刑餘之人無所比數非一世也梅福傳亡與比數韓文是比數愈于人而收之杜詩長安布衣

誰比數東坡詩君看東坡翁懶散誰比數又陋質從來誰比數

雙魚中有尺素良感故

情五馬不受二毛相期早貴

茲見前

代回建昌黃知軍

敏德○建昌已見

迎五馬問專城甚慙不敏

陳後山詩似聽兒童迎五馬稍修書札問專城左傳使夏

謝不敏又使士

烹雙魚有尺素乃辱相先雖感高情能

無下汗

吳質書申之再三報然汗下

恭惟某官器資凝厚材具寬餘

鼓琴一再行誰識高山之志

司馬相如傳酒酣臨邛令前奏琴曰竊聞長卿好之

願以自娛相如辭謝為鼓一再行師古曰行謂曲引也
呂氏春秋伯牙鼓琴鍾子期善聽之方鼓琴志在泰山
鍾子期曰善哉乎鼓琴
巍巍乎如泰山詳別見
作詩三百首可默咸池之音

周禮

舞咸池以祭地又咸池之舞夏日至于澤中之方丘奏之樂緯黃帝樂曰咸池池音施道施於民故曰咸池莊
子黃帝張咸池之
畫戟朱幡新戶庭之號令

韓文令修於戶庭數

日之

紅泉碧澗添谿谷之精明

紅泉碧澗在建昌詳見前

不俟合符

會膺名璽某崦嵫日薄

淮南子曰入崦嵫經於細柳入虞淵之池

江海天游

莊子心有天游注游不係也

老入光明踏舊班固已戒來迎之僮僕

東坡詩老入明光踏舊班染鬚那復唱陽關歸去來辭僮僕歡迎稚子候門

輦路歸來聞好

語又將選所表之公卿

東坡詩輦路歸來聞好語共驚堯顙似高辛循吏傳公卿缺則

選諸所表以次用之

儻即疾驅猶容晤語

詩彼美淑姬可與晤語

代回傳贛州

伯名○贛州已見

趣齊國之裝方圖迎侯

曹參傳相齊九年齊國安集蕭何薨參聞之告舍人趣治行注

治行謂修行治裝也

展山谷之啓乃辱先施雖多溢辭

莊子兩喜必多溢美

之言兩怨必多溢惡之言傳其常情無傳其溢言則幾乎全

亦感厚意恭惟某官精

明玉立芳潤春溫

陸機文賦漱六藝之芳潤史記田完世家大絃濁以春溫者君也

翩

翩者雖一洗而空凡馬

離朱惟切鵠鵠也詩四牡翩翩者離載飛載下集于包栩王事

靡盬不遑將父毛云夫不也鄭云夫不鳥之慙謹人皆愛之此是謹慙孝順之鳥也又南有嘉魚翩翩者離烝然來思毛傳一宿之鳥鄭云壹宿者壹意於其所宿之水也恢恢其刃四顧而解全

牛海持江海之麾

竝見前

始駕山澤之節

周禮山國用虎節澤國用龍節

夜郎為徽

西南夷傳南夷君長以十數夜郎最大夜郎者臨牂牁江江廣百餘步足以行船徽古弔

切境也謂以木石水為界司馬相如傳南至牂牁為徽注以牂牁作徽塞也東北謂之塞西南謂之徽塞以障

塞為名徵取
徵遮之義

彭蠡無波

尚書彭蠡既豬荊州記宮亭湖
即彭蠡澤也一名青草湖一名

洞庭湖史記左洞庭右彭蠡屈原九歌
洞庭波兮木葉下又令沅湘兮無波

乃今易鎮之除

其殆過家之計

本彭傳有詔過
家上冢詳見前

虎頭城下雖爭為竹馬

之迎

虔名虎頭州東坡詩
詔下虎頭州詳見前

豹尾班中恐催看槐龍之舞

前漢書揚雄傳在屬車豹尾中後漢書輿服志屬車八
十一乘法駕半之尚書御史所載最後一乘懸豹尾豹
尾以前比省中注小學漢官篇曰豹尾過後罷屯圉
胡廣曰施于道路豹尾之內為省中故須過後屯圉乃
得解皆所以戒不虞也東坡詩日高黃繖下西清風動
槐龍舞交翠注通英閣前有雙槐樛然屬地如龍形宋
張邦基墨莊漫錄云通英閣前雙槐極高而柯葉掃地
狀如龍蛇或謂之鳳尾槐蘇子由詩云銅鉞灑徧不知

寒雨點勻圓凍未乾回首曛

曉朝日上槐龍對舞覆衣冠

某不堪視陰

陰說文草陰地又入陰景

曰陰左傳趙孟視陰曰

朝夕不相及誰能待五

又復綴班

歐陽公詩玉殿清霜綴曉班東坡詩他日

許綴蓬萊班又豈意彤庭綴兩班

無以公歸少辦朝廷之事豈惟我賀

是蓋邦國之光

左傳叔弓如晉賀虎祈也游吉相鄭伯以如晉亦賀虎祈也史趙見子大叔曰

甚哉其相蒙也可弔也而又賀之子大叔曰若何弔也其非唯我賀將天下實賀歐陽畫錦堂記其豐功茂烈所以銘彝鼎而被絃歌者乃邦家之光非閭里之榮也

代回胡峽州

坦○峽州已見

蒼顏華髮不堪東華之塵埃

醉翁亭記蒼顏白髮顏然乎其間者太守醉也東坡

詩此身與世真悠悠蒼顏華髮誰汝留東坡詩
注前輩戲語西湖風月不如東華軟紅塵土
畫戟清

香好在西陵之門戶

通鑑吳陸抗曰西陵建平國之藩表臣父遜昔上言西陵國之西門

若不守荊州非吳有也

飛牋璀璨

璀璨取狠切璨蒼按切說文玉光也

佩意勤渠

廣韻

渠渠勤也恭惟某官德性靖共

詩靖共爾位注靖謀也共具也言有德未仕之君子勿汲

汲求仕自有明君謀具汝之爵位此斷章

器資肅括

見前

蒼皮溜雨此非樸櫟

之材

杜詩霜皮溜雨四十圍說文樸櫟小木詩野有死麋林有樸櫟息夫躬傳僕遯不足數師古曰僕遯

凡短之貌也

高浪駕天抑豈坳泓之水

韓詩崔侯文章苦捷敏高浪駕天輸不盡

坳公交切說文地不平也莊子置杯水於坳堂之上亦作凹泓烏宏切說文下深貌一曰水貌孟郊詩採月漉

由轄而院既三四稔

宋推貨務都茶場雜買務雜買場左藏庫文思院謂之四轄登

聞檢院登聞鼓院都進奏院糧料院審計司官誥院謂之六院稔其忍切說文穀熟也左傳鮮不五稔廣韻年也古人謂一年為一稔取穀一熟也以心去國已七八年居然一麾猶在

千里自公言之誠屈為民計則甚良商旅願出於塗何

憂郡計公卿選諸所表會有郵音

並見前

某久矣地寒

劉向

別錄燕有谷地美而寒不生五穀詳見前

加之日薄

揚雄傳恐日薄於西山

勞承明侍

從之事豈不懷歸

詩豈不懷歸畏此简书

及潁川太守之來願安

承教

代回洪臨江

假○臨江已見

五馬專城未遑先問雙魚尺素良佩高情

並見前

既自顧

之闕然亦何修而得此恭惟某官器資閎敏材具寬

餘孟子有言故國非謂喬木魏謩敢諫此笏乃今甘棠

魏謩傳帝問卿家書詔頗有存者乎謩對惟故笏在詔

令上送鄭覃曰在人不在笏帝曰覃不識朕意此笏乃

今甘

棠有如把麾何足游刃顧今近咫尺天之選

左傳天威不遠

顏咫尺皆自良二千石而來勉分黃屋之憂

高帝紀黃屋左纛李夔曰

天子車以黃繒為蓋裏

會取青羶之舊某景翳翳而將入

歸去來辭景翳翳

翳兮將入撫孤松而盤桓

技斷斷兮無他乘興而來聊復續東華之

夢

王徽之傳乘興而來興盡而反餘見前

乞身以去行將上北闕之書

孟浩

然詩北闕休上書南山歸敝廬

代回薛漳州

揚祖○漳州已見

百舍思賢寢閣承顏之便

莊子百舍重趺而不敢息注百舍止宿也王文公集思賢

百舍無階贊見之儀承之一涯彌閣門牆之使雋不疑傳乃今承顏接辭

尺書委貺具知存

念之勤退惟衰遲

山谷詩清如秋露蟬高柳咽衰遲

良深感戴

戴側立切爾雅

聚也疏云藏聚也

恭惟某官持心靜重臨事敏明中外敷厯之

詳

廣韻歷經歷也今稱人居官日久中外屢踐者曰散歷散即古揚宇

聲實飛騰之盛猥

辭簿正出領州麾諒因報政之來即見歸班之寵某桑

榆短景

淮南子曰西垂影在樹端謂之桑榆

樗櫟散材

莊子匠石之齊見櫟社樹其大蔽牛

匠伯不顧弟子曰自吾執斧斤以隨夫子未嘗見材如此其美也夫子不肯視行不輟何也曰已矣勿言之矣散木也注不在可用之數故曰散木杜詩散才嬰薄俗簪筆甘泉姑對揚於休命

尚書敢對揚天子之休命

挂冠神武會邂逅於初心

韓詩邂逅得初心

代回趙徽州

希遠○徽州秦為鄣郡漢改丹陽郡吳分丹陽郡置新都郡晉改新安郡

隋置歙州宋宣和間改為徽州以徽嶺得名○宋史宗室世系表希遠秦王德芳九世孫祖伯南父

師
俊

千騎上頭未遑贊慶

古樂府東方千餘騎夫婿居上頭周禮慶賀以贊諸侯之喜詳見前

雙魚中素猥辱謙施

易謙象曰君子以裒多益寡稱物平施

靜言思之

詩

言思之注安靜而思之

為禮過矣恭惟其官神明帝胄

左傳古我先王賴其

利器用也與其神明之後也注舜大聖故稱神明

禮樂宗英

漢書敘傳河間賢明禮樂是修為漢

宗早詳七略之書宜應三雍之對

並見前

翱翔半刺

杜詩半刺

已翔翔

淹屈全材惟古郡之新安

新安山在祁門縣西九十里新安江自歙縣來

者出黟山自休寧者出率山自績溪者出大鄣山自婺源者出浙山自浙江沂休寧者為灘三百六十李詩聞

說金華渡東連五百灘他年一攜手搖艇入新安
聶道士詩千尋練帶新安水萬仞花屏問政山
乃先

正之舊治

尚書昔先正保衡

流風善政宗德象賢

見前

杜襲黃

勉策名於今日

左傳策名委質貳乃辟也

毛原周召會配德於古人

新唐書宗室宰相贊周之卿士周召毛原皆同姓也尚書追配于前人

某雖綴近班已謀

歸計暗中摸索頗有似曾相識之疑

唐許敬宗性輕傲見人多忘之或謂

其不聰曰卿自難記若遇何劉沈謝暗中摸索著亦可識左傳吳公子札聘於鄭見子產如舊相識陸機傳太康末與弟雲俱入洛造太常張華華素重其名送
如舊相識草堂詩餘李景詞似曾相識燕歸來
送上吹

噓不勝無能為役之歎

杜詩揚雄更有河東賦唯待吹噓送上天左傳於先大夫無能

為役詳見前
所願名璽之下或在挂冠之前

回施筠州

城○筠州已見

起家得郡

東坡詩得郡書生榮

便道開藩

韓文便道取捷以至海上

雙旌兩轡

頓覺徧城之重

見前

一襦五袴想回寒谷之溫

劉向別錄方士傳言

鄒衍在燕燕有谷地美而寒不生五穀鄒子居之吹律而溫氣至而穀生今名黍谷

恭惟某官器

采端華典刑炳蔚為博士為太尉茂譽處於前聞

漢書儒林

傳施讐字長卿沛人從田王孫受易與孟喜梁丘賀並為門人及賀為少府薦讐結髮事師數十年賀不能及詔拜讐為博士後漢施延字君子沛國蘄人明五經星官風角家貧嘗詣海鹽任作半路亭以養母時馮敷為

督郵至知其賢者下車謝使入亭請與飲食脫衣與之
餉錢不受順帝初徵拜太尉詩燕笑語兮是以有譽處

兮有喬木有世臣盍躋登於要路洊分漢竹出憩甘棠

惟筠為州夙號江西之道院

並見前

貫蜀之水亶為錦里

之主人

詳見此卷回洪筠州條杜詩錦里達迎有主人

一郡得賢萬物吐氣某

濫茲分閫幸甚為僚修豫章戶庭之間正茲懷愧

見前

雪

高安父老之恥當遂蒙成

山谷江西道院記乃新燕居之堂楫曰江西道院以鼓舞

其國風且為高安之
父老雪恥焉詳見前

回王楚州

枏○楚
州已見

入紆漢組出牧淮壩銅虎分符資循良之共理

並見前

石

龜設險喜守禦之得人

龜山在盱眙縣詳見此卷回王楚州條

恭惟某官

材具寬詳器資敏幼循循善誘立美教於鱣堂

見前 諤諤

以昌振直聲於烏府

家語湯武以諤諤而昌桀紂以唯唯而亡通典漢成帝時御史府中

列柏樹常有野烏數十棲宿其上晨去暮來號曰朝夕烏唐授蘇垆右臺大夫制烏臺峻秩望摠鐵冠東坡詩

烏府先生鐵作冠

屈伸以道出處何心茲屈搏風九萬里之程

姑承起家二千石之寵山陽古郡江北要衝師旅饑饉

之餘民無勞止勞來還定之政公優為之某列日猶新

涓辰未審雙魚中素猥勤先施之光千騎上頭敢廢前

驅之慶

並見前

回汪高郵

統○秦因高郵置郵傳為高郵亭漢屬廣陵國晉屬臨淮郡東晉有三阿宋屬

廣陵郡梁置廣業郡尋以有嘉禾為神農郡隋屬江都郡唐屬邗州宋始建為軍

掌故民部已覺厚顏

量錯傳為太常掌故應劭曰掌故主故事儒林傳以治禮掌故以文

學禮義為官尚書顏厚有忸怩

首善賢關更叨附尾

儒林傳序教化之行也建首善自京

師始繇內及外董仲舒傳太學者賢士之所關也教化之本原也史記伯夷傳顏淵雖篤學附驥尾而行益顯樊噲傳贊附驥之尾師古曰蓋以蚊虻為喻言託驥之尾則涉千里隄鴛傳蒼蠅之飛不過數步即託驥尾得

以絕羣

三省僥逾之自

蜀志先主傳伏自三省受國厚恩

一由披拂之功

莊子孰居無事而披拂是

恭惟某官厚德噓枯深仁蘇涸拔茅連茹

引黨類以同升

易拔茅茹以其彙征吉

自葉流根先京師而蒙潤

曲振孤寒之迹亦聯獨冷之官某倚席非材

竝見前

濫巾

有覲

詩有覲面曰

子厚齒牙之不少獨欠為師

柳子厚與韋中立論師道

書平居望外遭齒舌不少獨欠為人師耳

少陵爾汝之肯忘無多酌我

杜少陵醉

時歌得錢即相覓沽酒不復疑忘形到爾汝痛飲真吾師蓋寬饒傳清平恩侯許伯入第丞相御史皆賀寬饒不行許伯請之乃往許伯自酌曰蓋君後至寬饒曰無多酌我我迺酒狂丞相魏侯笑曰次公醒而狂何必酒

也詳啓意
國錄時作

回桂陽張知軍

國均○桂陽軍秦屬長沙郡漢高帝分長沙為桂陽郡臨武南平郴

縣屬焉吳分桂陽置始興郡後屬東衡州隋改郴州又改桂陽郡唐置郴州憲宗時即平陽縣置桂

陽監以其地在桂洞之南故曰桂陽

鄰東家之棗尚欠即溫

王吉傳吉少居長安東家有大棗樹垂吉庭中吉婦取棗以啖

吉吉後知之乃去婦東家聞而欲伐其樹鄰里共止之因固請吉令還婦里中為之語曰東家有樹王陽婦去東家棗完去婦復還杜詩東鄰撲棗任西鄰無食無兒一婦人

憇南國之棠猥蒙假陰

實未知千騎之上遂有稽一介之書鳴謙先之自訟悚

甚恭惟某官美高世濟才應時須

並見前

以持橐三世之

家

趙充國傳安世本持橐簪筆事孝武帝數十年見謂忠謹宜全度之

守取履一編之學

張良傳孺子下取履又出一編書師古曰編謂聯次之也聯簡牘以為書故云一編詳見前

盤根錯

節不辭州縣之勞

虞詡傳不遇盤根錯節何以別利器梁竦傳州縣之職徒勞人耳

茂

實英聲共擬公侯之復

封禪書蜚英聲騰茂實左傳合而能固安而能殺公侯之卦也

公侯之子孫必復其始

既奏絃歌之最俯甘管籥之司

籥通作鑰說文闕下

壯也禮記慎管籥注搏鍵器也疏云以鐵為之摺鑲內以搏取其鍵管籥一物互見前

倦直上於

星辰

杜詩聽履上星辰

洵平分於風月

東坡詞風月平分破言為倅

茲膺竹

使來撫桂封竊稽漢史之傳不但衛颯之政

後漢書循吏傳衛颯

為桂陽太守居官如家視事十年郡內清理詳見前

茨充之代此郡俗始農桑

衛颯

傳南陽茨充代颯為桂陽亦善其政教民種植桑柘麻紵之屬勸令養蠶織屨民得利益焉

許荆之

繼是邦民知教化

循吏傳許荆為桂陽太守郡濱南州風俗脆薄不識學義荆為設喪紀婚

姻制度使知禮禁在事十二年卒於官桂陽人為立廟樹碑

惟公善政與古匹休

尚書

其作周匹休

豈久凝畫戟之香亟歸取青檀之舊某不堪位

置

梁武帝命袁昂作書評羊欣書似婢作夫人不堪位置而舉止羞澀終不似真

何足控搏賈誼

傳忽然為人何足控揣如淳曰控引也揣音團控搏玩弄愛生之意也

既難封不龜之侯

莊子宋人有善為不龜手之藥者世世以泝澠絃為事客請買其方百金得之以說吳王越有難吳王使之將冬與越人水戰大敗越人裂地而封之能不龜手一也或以封或不免於泝澠絃則所用之異也 聊爾

監無蟹之郡

東坡詩擬問君王乞符竹只愁無蟹有監州詳見前

已作紅泉石磴

之夢更數月則可歸

紅泉石磴在臨川詳見前

然在紫蓋天柱之旁

希五雲之見庇

南嶽有七十二峯紫蓋天柱皆峯名昌黎謁衡嶽廟詩紫蓋連延接天柱石廩

騰擲堆祝融互見前詳啓意時倅武岡

回富順楊知軍

伯雨○富順監秦為巴郡漢武初置犍為郡東漢末劉璋分犍為主

江陽郡江陽縣仍屬焉江陽縣有富義井後周置洛陽郡及富世縣隋廢郡以縣屬瀘州唐因之後

避太宗諱改為富義縣宋平蜀以瀘州富義縣地置富義監尋改富順監隸潼川府今為富順縣屬

敘州府

花與讀書敢作三刀之夢

杜詩豈異神仙宅俱兼山水

嶼音敘象呂切說文島也山在水中文選注海中洲上有石山也王濬傳濬夢懸三刀於梁上須臾又益一刀主簿李毅曰三刀為州字又益

角巾還里顧開兩焰之

祥羊祐與從弟護書曰年已朽老既定邊事當角巾東洛還歸鄉里諸集拾遺李旼為國子直講求郡晨登

講席諸生見旼巾上兩焰火起是日得榮州

孰分鄰壁之光

見

實倚大邦之

屏

詩大邦維屏

恭惟某官器資凝遠業履端方學斟酌

乎六經真越諸子

班固典引斟酌道德之淵源揚雄傳贊若使遭遇時君更閱賢知為所稱

善則必度越諸子矣

家清白者累世仍畏四知

楊震傳震遷東萊太守道經昌邑故

所舉茂才王密為昌邑令懷金十斤以遺震震曰故人知君君不知故人何也密曰暮夜無知者震曰天知神知子知我知何謂無知密愧而出或欲令開產業震不肯曰使後世稱為清白吏子孫以此遺之不亦厚乎

頃從幕府之游茂著賦輿之最

左傳羣臣率賦輿為魯衛請注賦輿兵車也

既樵蘇之宿飽合斧繡以書行游刃成風技飽經於肯

綦

並見前

得州如斗袖何足以回旋

宋典籤權重宗憲為豫州典籤多所連執

慤大怒曰慤年六十得一州如斗大不能與典籤共臨之漢景帝後二年諸王來朝有詔更前稱壽歌舞長沙

王但張袖小舉手曰國小然既車輕而馭良何嫌舟大
地狹不足回旋詳見前

而水淺誰如仲卿者會有裏言

王章傳京師尊貴在朝廷人誰踰仲卿者左傳

寡人出伯氏無裏言

君薄淮陽耶即膺中召

見前

某十年出幕

杜詩十年

出幕府自可持旌麾

一障乘邊自憐無味以可憎

昌黎送窮丈凡所以使吾面目

可憎語言無味者皆子之志也

况聞不修而已壞

韓文不修且壞

楚餘波之及

晉儻沐垂情

左傳其波及晉國者君之餘也

滕小國之間齊庶幾逃責

帝王世紀周赧王負責於民無以歸之乃上臺以避之周人名其臺曰逃責任昉傳四海之議於何逃責

回趙眉州

希濬○眉州秦屬武陽縣漢屬犍為郡齊分置齊道郡梁立青州取青衣縣為

名西漢改眉州因峨眉山為名後周復曰青州改
曰嘉州隋改眉州又改眉山郡唐改通義郡復為

眉州

武穆文昭又憩棠而出守

左傳昔周公弔二叔之不咸故封建親戚以藩屏周管蔡

邨霍魯衛毛聃邨雍曹滕畢原鄭邨文之昭也邨

名父

杜母愧揚糝之在前

名信臣傳遷南陽太守其化大行吏民親愛號曰名父杜詩傳遷南

陽太守性節儉而政理清平時人方於名信臣故南陽為之語曰前有名父後有杜母孫悼傳蔽之揚之糝糝

左

比已修執訊之誠

左傳鄭子家使執訊與之書注通訊問之官

茲又辱與

牘之寵恭惟某官飄然無敵卓爾不羣

見前

子政文章何

止數十篇之頌

劉向傳向字子政以通達能屬文辭與王褒張子僑等並進封獻賦頌凡數十

篇

辟疆議論顧為二千石之淹

劉辟疆傳辟疆字少卿好讀書能屬文武帝時

以宗室子隨二千石論議冠諸宗室

甫稅駕於龍泓

李斯傳吾未知所稅駕注舍車曰稅張協

賦停輿蕙渚稅駕蘭田方輿勝覽龍泓在嘉定府龍游縣東坡詩虛名無用今白首夢中却到龍泓口杜詩徘徊虎穴上面

又偃藩於墓嶺

漢書敘傳木偃息以藩魏

息藩魏君墓頤山在眉山縣東七里狀如墓頤因名詳見前

先聲戾止和氣藹然江

酌玻瓈暫領一盃之水

玻瓈江即蜀江東坡詩共飲玻瓈江陸務觀詩玻瓈江上柳如

絲詳見前龐參傳為漢陽太守郡人任棠有奇節參到先候之棠不與言但以薤一大本水一盃置戶屏前詳

見袍分宮錦即銜七寶之杯

新唐書李白傳嘗乘舟與崔宗之自采石至金陵著

宮錦袍坐舟中苟若無人在詩龍舟移棹晚獸錦奪袍
新唐樂文李翰林別集序白進清平調詞三章上命梨
園子弟略約調撫絲竹遂促李龜年以歌之太真妃
持頗黎七寶盃酌西涼州蒲萄酒笑領歌詞意甚厚

契託交龜情深賀燕袴歌今五已欣逢廉叔之來

見樓前

近古三安得有黎侯之愛

東坡眉山遠景樓記吾州之俗有近古者三云云軾將歸

老於故丘布衣幅巾從邦君於上酒酣樂作援筆而賦之以頌黎侯之遺愛尚未晚也詳見前

回劉太守

光○詳啓意梅亭時為榮守劉太守其州人因姓同李名啓中避諱故答之云

云通篇用

劉姓故事

十年出幕已迷蜀道之津

李嘗辟成都安撫使幹辦公事

兩燄生巾又

在鄭公之里

諸集拾遺李旼為國子直講求郡晨登講席諸生見旼巾上兩燄火起是日得榮州

鄭玄傳孔融深敬於玄告高密縣為玄特置一鄉曰鄭公鄉

天幸事大夫之賢者日

可就有道而正焉恭惟某官夙擅三長

新唐書劉子玄傳尚書鄭惟忠

嘗問自古文士多史才少何耶子玄曰史有三長才學識世罕兼之故史者少夫有學無才猶愚賈採金不能貨殖有才無學猶巧匠無榱桷斧斤不能成室善惡必書使驕君賊臣知懼此為無可加者時以為篤論

該七略

見前

尉中壘卿宗正雖鬱壯圖

劉向傳蕭望之周堪薦更生宗室忠

直明經有行擢為散騎宗正給事中典金敝四人同心輔政後上封事以為中壘校尉

前江陵後

弘農已多美最

劉昆傳前在江陵反風滅火後守弘農虎北渡河詳見前

顧戀三堂

之竹洞

韓退之和號州劉給事三堂新題二十一詠詩序云號州刺史宅連水池竹林往往為亭臺島

渚目其處為三堂劉兄自給事中出刺此州在任逾歲職修人治頗復增飾作二十一詩以咏其事竹洞詩云

竹洞何年有公初斫竹開洞門無鎖鑰俗客不曾來劉給事名伯芻元和八年出刺號州白樂天行制詞

尋千樹之桃栽

劉禹錫詩玄都觀裏桃千樹盡是劉郎去後栽詳見前

行當解五

斗之醒

劉伶傳常渴甚求酒於妻妻拍酒毀器泣諫伶曰吾不能自禁惟當祝以神自誓耳便可具酒

肉妻從之伶跪祝曰天生劉伶以酒為名一飲一斛五斗解醒婦兒之言慎不可聽

即入奉三雍

之對

河間獻王傳獻雅樂封三雍宮應劭曰辟雍明某堂靈臺也雍和也言天地君臣人民皆和也

某

一寒寡與獨冷多畸

畸居宜切說文殘田通作奇

盤盤再辱於青泥

李陵傳丈夫不能再辱李白蜀道難青泥何盤盤百步九折紫巖巖

愧愧三榮之阜蓋

榮州

亦曰三榮以榮德榮黎榮隱三山得名續漢志二千石阜蓋朱播

方圖設榻而延孺子

見前仍合避堂以舍蓋公

曹參傳聞膠西有蓋公善治黃老言使人厚幣請之既見於是

避正堂舍蓋公焉

愛勿勞乎忠勿誨乎正願拜任棠之水

見上條

姓所同也名所獨也詎容避安石之墩

王荊公謝安墩詩我名公字偶

相同我屋公墩在眼中我去公來墩屬我不應墩姓尚隨公劉太守蓋榮州人梅亭時為榮守劉諱其名因改其姓故答擁篲不遥

高帝紀太公擁篲迎門却行李奇曰為恭也如令卒持帚也師古曰

彗者所掃也史記孟子列傳如燕昭王擁彗先驅索隱曰彗帚也謂為之掃地以衣袂擁彗而却行恐塵埃之及長者所操觚罔既木簡曰觚古人用之以書陸機文賦或操觚以率爾或含毫而邈然

回曹雅州

澄○雅州本秦蜀郡嚴道縣地漢因之晉屬漢嘉郡西魏於此置蒙山郡及雅

州隋初郡廢州存大業初改州為臨邛郡治嚴道唐初復為雅州天寶初改盧山郡乾元初復為雅州孟蜀置永平軍治雅州宋復為雅州仍治嚴道提舉黎州兵甲今省嚴道入州領名山榮經盧山三縣直隸四川布政司

千騎迂臨已諧望履雙魚寵賁尤佩鳴謙

竝見前臨履賁謙四卦名

徒欽博我之文

敘傳從容風議博我以文師古曰謂以文章開博我也

亦恥過情

之譽恭惟某官清涵江漢秀擢岷峨萬字千鍾暫試文

章之守

六一居士集朝中措詞文章太守揮毫萬字一飲千鍾

十行一札行登獻

納之班

見前

觀剪裁鯨錦之工

杜詩客從西北來遺我細織成開絨風濤湧中有掉

尾鯨又錦鯨卷還客始覺心和平喻來啓之工

知潤色龍縑之學所恨黃金之

虛擲

韓退之贈崔立之詩深藏篋笥時一發戢戢已多如束筍可憐無益費精神有似黃金擲虛北注北

谿谷也

真成白璧之暗投

鄒陽傳夜光之璧以闇投人於道

某分竹罔功

飛芻何力

見前

見君子云何不喜既窺善者之機

詩既見君子云

何不喜莊子是殆見吾善者機也注機發而善於彼彼乃見之

教使臣必咨於周願受

忠馬之誨

左傳皇皇者華君教使臣曰必咨於周詳別見

回楊簡州

汝為○簡州即漢犍為郡牛鞞縣西魏置咨州及武康郡隋置簡州唐改陽安

郡復為簡州宋因之

載酒子雲之宅方欲款門

揚雄傳有田一廛有宅一區家素貧者酒人希至其門時

有好事者載酒肴從游學揚雄宅在成都府岑參詩吾悲子雲居寂寞人已去娟娟西江月猶照草玄處晏子春秋前驅款門韓詩著鞭季休之州已聞開府

蜀志楊洪字季

休犍為武陽人也領蜀郡太守衆事皆辦遂即真益都耆舊傳雜記曰每朝會何祗次洪坐嘲祗曰君馬何駛曰故吏馬不敢駛但明府未著鞭耳蓋祗本洪門下書佐乃洪所舉野客叢書云著鞭二字人但知為劉琨傳

中語而不知何祇已先言之世人局於所見如此魏以黃權為車騎將軍開府儀同三司開府之名始此此一聯同揚姓故事挾故闕修於耦牘念舊辱畀之朋牋一謙之光

三復以愧恭惟某官器資凝遠業履清通大音農瑟而

義琴

老子大音希聲大象無形農瑟義琴當作義瑟農瑟世本庖義氏作瑟瑟潔也使人精潔于心淳一

於行也山海經帝陵生晏龍晏龍始為琴瑟桓譚新論神農氏繼庖義氏而王天下上觀法於天下取法於地近取諸身遠取諸物於是始削桐為琴繩絲為絃以通神明之德合天地之和焉晉書樂志農琴義瑟倕鍾和磬

正學周情而孔思其言明其行粹鄉譽夙高所居富

所去思民庸甚茂

循吏傳序所居民富所去見思詳見前

早深丹宸之眷

已奉綵綈之招

外戚傳中黃門持詔記
綈綈方底注綈厚繒

君不行兮夷猶

屈原九歌君不行兮
夷猶蹇誰留兮中洲

羌難得而覩縷

離騷經羌中道而
改路羌楚人發語

辭猶言何為也吳都賦嗟難得而覩縷抑文欲秉筆覩
縷神志昏耗覩盧戈切音與羅同俗作覩非說文好視

也詳見前茲從便郡始用起家朝廷深知弱翁佇膺峻擢

魏相

傳朝廷已深知弱翁
治行方且大用矣

兒童爭迎郭伋安得久留某洊領

銅符

並見前

獲依珂里

張嘉貞傳嘉貞為相弟嘉祐任金
吾衛將軍每朝軒蓋騶導盈巷號

所居曰鳴珂
里詳見前

車幾兩馬幾駟未敢希楊侯之歸薤一本

水一盃所願受任棠之教

俱見前

回高嘉定

泰叔○嘉定已見

去歲茲辰共對孤羆之傲兀

杜詩去歲茲辰捧御牀韓詩西城角外丞心跡兩屈

奇往歲戰詞賦不將勢利隨下駐入省門左右驚紛披傲兀坐試席深叢見孤羆丈如翻水成初不用意為

當暮之日獲迎五馬之逶迤

說文逶迤斜去貌

辱祭戟之遙臨

杜詩傳賜以祭戟注漢雜事曰漢制假祭戟以代斧鉞崔豹古今注曰祭戟前驅之器也以木為之後世刻偽無復典刑以赤油韜之亦謂之油戟亦曰祭戟王公以下通用之以前驅也王勃滕王閣詩序祭戟遙臨

珠璣之委貺

說文璣珠不圓者周禮苻貢鄭注云燕好珠璣琅玕也此以況詩文左傳委君貺于

草莽也

惟深十襲

關子宋之愚人得燕石於梧臺之東歸而藏之以為寶革匱十重緹巾十襲客

見之拚口而笑

敢廢七襄

詩雖則七襄不成報章

恭惟某官業履粹夷風

猷高潔

任昉表存樹風猷沒著薇烈

學問襲石室之富

漢高朕蜀郡太守念文翁

為政有法作石室以祠文翁

鑒裁婉金鏡之清

唐高儉為吏部侍郎善銓敘人物帝賜金

背鏡一况其清鑒卒謚曰憲

安行鳴大輅之鑾

張衡西京賦大輅鳴鑾容與徘徊

詭

遇謝小人之乘鴻陸有漸

易鴻漸于陸

鵬路自高得百姓之

心以廉為本

周禮以聽官府之六計獎羣吏之治注平治官府之計斷以六事以廉為本

道

千乘之國所去見思自奏最於三峒

三峒山在今成都府仁壽縣益州記

東西南嶠三山相對共號三峒三山之名曰飛泉翳嘶跨鼇縣治居三峒之中環合有自然之勢

盍躋

班於兩禁若為熊軾又隸龍藩

嘉定為寧宗潛邸故曰龍藩

太白對

影成三人更弄平羌之明月

李詩舉杯邀明月對影成三人又峨眉山月半輪秋

影入平羌江水流又一振高名滿帝都歸時還弄峨眉月平羌山在夾江縣十五里平羌江在雅州城北東

坡不願封萬戶只尋古佛於凌雲

凌雲寺在嘉定之南山唐開元中僧海通

於瀆江沫水濛水三江之合悍流怒浪之濱鑿山為彌勒大像踰三百六十尺建七層閣以覆之至韋臯時積十九年而工始備臯有大像記又有清音亭天下山水之勝在蜀蜀之勝曰嘉州州之勝在凌雲寺寺之南又其勝也東坡名其亭曰清音又南山之勝也范石湖吳船錄云嘉州凌雲寺天寧間即大像所在嘉為眾水之會導江沫水為岷江皆合於山下南流以下捷為沫水合大渡河由雅州而來直擣山壁灘瀧險惡號舟楫至

危之地唐開元中浮屠海通始鑿山為彌勒佛像以鎮之高三百六十尺頂圍十丈目廣二丈為樓十三層自頭面以及其足極天下佛像之大兩耳猶以木為之佛足去江數步驚濤怒號洶湧過前不可安立正視今謂之佛頭灘佛閣正面三峨餘三面皆佳山衆江錯流諸山間登臨之勝自西州來始見此耳東坡送張嘉州詩少年不願萬戶侯亦不願識韓荊州頗願身為漢嘉守載酒時作凌雲遊又送呂嘉州詩卧看古佛凌雲閣勅賜詩人

明月湖

嘉州不負於此身

見上文

漢殿即嗟於見晚某獲

依隣壁正竊餘光田里愁歎之聲每拊心而知愧原隰光華之雅方拜手以固辭尚祈吾味之同不吝君波之

及

並見前

代回宗慶黎知府

伯登

袖啓

崇慶已見

恭承海驅熊軾

後漢輿服志公列侯安車朱班輪倚鹿較伏熊軾卓繒蓋黑輜右駢

改牧

龍藩

崇慶係高宗潛邸

奏二十七最之優且歸漢殿

唐考功之法有二十

七最一日獻可替否拾遺補闕為近侍之最二曰銓衡人物擢盡才良為選司之最三曰揚清激濁褒貶必當為考較之最四曰禮制儀式動合經典為禮官之最五曰音律克諧不失節奏為樂官之最六曰決斷不滯與奪合理為判事之最七曰部統有方警守無失為宿衛之最八曰兵士調習戎裝充備為督令之最九曰推鞠得情處斷平允為法官之最十曰讐校精審明于刊定為校正之最十一曰承旨敷奏吐納明敏為宣納之最十二曰訓導有方生徒克業為學官之最十三曰賞罰嚴明攻戰必勝為軍將之最十四曰禮義興行肅清所

部為政教之最十五曰詳錄典正詞理兼舉為文史之最十六曰訪察精密彈舉必當為糾正之最十七曰明於勘覆稽失無隱為勾檢之最十八曰職事修理供承彊濟為監掌之最十九曰功課皆充丁匠無怨為役使之最二十曰耕耨以時收穫成課為屯官之最二十一曰謹於蓋藏明於出納為倉庫之最二十二曰推步盈虛究理精密為厯官之最二十三曰占候醫卜效驗多著為方術之最二十四曰檢察有方行旅無滯為關津之最二十五曰市廛弗擾姦濫不行為市司之最二十六曰牧養肥碩蕃息孽多為牧官之最二十七曰邊境清肅城隍修理

連六千石重之寄更守唐安

吾丘壽王傳連十餘

城之守任四千石之重唐分益州四縣地於晉原縣立蜀州改唐安郡

民曰幸哉君為淹

矣維昔交雙麟之賀乃今瞻千騎之光恭惟某官學問

淵停器資山立早結冤旒之眷入為臺閣之珍倦直承

明復歸蜀道東藩兩郡所去見思

並見前

西掖九遷最宜

為誥

韓文王集之文可思最宜為誥

顧動觀梅之興

杜詩東閣觀梅動詩興還如何遜在

揚州

又煩分竹之行不俟突黔即膺泥紫某同升有幸懷

德滋深燕雀賀大廈之成幸諧面慶

並見前

魚龜託美鄰

之陰尚慰心期

韓詩水文浮枕簟瓦影蔭龜魚餘見前



四六標準卷二十八